

RA ROMANU RÁ CARTA RA APOSTOL NSAN PABLO NÚ'A BI 'YOPABI YA GAMFRI ME NROMA

Ra apostol Pablo opabi ya gamfri me Nroma

¹ Núgui drá Pablo, rá 'begogui ma zi Hmuh_u ra Jesucristo. Ajuá ra Dada bi zoncagui pa ga 'ñapostol, ne xa hñuxcagui pa ga mamba rá maça hoga noya'a.

² Nuna maça hoga noyana, guehna bi ñagui maya'b_u Ajuá ja ra Maça T'ofu nú'a bi 'yofu yá 'mehni'a.

³ Y nuna maça hoga noyana xicj_u de ma zi Hmuh_u ra Jesucristo nú'a to'o rá T'_u Ajuá, ne utcaguih_u gue nú'a ra T'_u'a, de rá ndo'yo, bá ehe de rá ji ra ndá Davi,

⁴ pe de rá ndáhi xá nt'axi bi fadi gue go gue'a rá T'_u Ajuá, ngue'a co rá danga ts'edi bi yopa nte de ja ya du.

⁵ Po rá ngue'a, Ajuá xa 'racagui ra 'befi dega apostol pa ga mangan ra maça hoga noya gatho ja ya hnini, pa da gamfri'_u ne da 'yote Ajuá. Guehna ra 'befi dí pefi pa nuya ja'i da nsundabi rá maça thuhu ma zi Hmuh_u ra Jesucristo.

⁶ Hangue nehe nu'ah_u, Ajuá xa zohn'a'ih_u pa gui tenh_u ra Zidada Jesucristo.

⁷ Hangue dí op'ah_u gatho'ih_u zi cuh_u guí 'buh_ub_u Nroma, nú'ah_u xi ri ma'ah_u Ajuá ne xa zohn'a'ih_u pa gui nt'axquih_u. Ajuá ma Dadah_u ne ma zi

Hmuh_u ra Jesucristo da jap'a'ih_u ne da max'ah_u pa gui 'buh_u te rá 'ñentho.

Ra apostol Pablo ne da zønga ya cu me Nroma

⁸ Nuya ya mudi noya dí op'ah_u ja ma carta, dí xi'ah_u gue dí umba njamadi Aju_a ma Dadah_u por gatho'ih_u de rá thuhu ma zi Hmuh_u ra Jesucristo, ngue'a_a haburaza ja ra ximhai hm_a gue xi xcá camfrih_u xá hño.

⁹ Aju_a dí pɛpabi con gatho ma coraso pa da ntanga nú'a_a ra maça hoga noya nú'a_a hab_u xicj_u de rá maça T'ɛ'a_a, y nu'a_a go gue'a_a pađi gue nzantho dí apabi'a_a por gue'ah_u.

¹⁰ Masque stá tø'ma ndunthi ya pa pa ga mab_u ga tsøñ'ah_u, pe hinstá tsaya ga apa Aju_a pa da xoga ra gosthi pa da za ga mab_u 'nitho. Hønsɛ go dí tø'ma nú'a_a ra pa da mañ'a_a Aju_a pa ga mab_u.

¹¹ Ngue'a_a xi dí ne ga mab_u ga 'bui con gue'ah_u pa da za ga u't'a'ih_u ra mfadi nú'a_a xa 'ñutcagui ra Maça Nda_{hi}, pa ma'na da nja ri jamfrih_u.

¹² Y dí ma_a gue numa jamfrih_u da 'racj_u ra ts'ɛdi 'na ngu ma'na. Nuri jamfrih_u da jaqui ma'na da zɛ ma jamfri, ha numa jamfriga da ja'ah_u ma'na da zɛ ri jamfrih_u nehe, ngue'a_a 'nat'a ma jamfrih_u.

¹³ Ne dí ne gui pađih_u, ma zi cu'ih_u, gue ndunthi ya i'qui stá huts'i ga mab_u ga tsøñ'a'ih_u, pe tobya hinxa za. Dí ne ga mab_u pa ga fax'ah_u ngu stá faxa ma'ra ya cu ja ma'ra ya hnini.

¹⁴ Ngue'a_a xuá 'bencagui ga xipa gatho ya ja'i nuna maça hoga t'øde de ra mpøhø, hangue mahyoni gatho ga zofo, ngu nú'u_u ñ_a griego ne ngu nú'u_u ñ_a ma'ra ya hñaqui, ngu nú'u_u ya bamhya_a ne ngu nú'u_u hinte yá fađi.

15 Hangue nú'a ra pa go da ne Ajuá, nugui xi dí ne ga mab_u pa ga m_unga ra maça hoga t'øde nehe nub_u Nroma.

Rá ts'edi ra maça hoga t'øde

16 Hindí ntsa pa ga m_unga ra maça hoga t'øde, ngue'a go gue'a 'nara noya dega ts'edi nú'a xuá p_ehna Ajuá pa da p_øhø gatho nú'u to'o da gamfri, ra m_udi ya xodyo, nep_u gatho nu ma'ra ya ja'i.

17 Nuna maça hoga t'øden_a udi gue Ajuá ma gue ya hinte ma ts'oqui tu nú'u to'o camfri, y nu'ú 'b_ui xá hño co Ajuá h_ønse po yá jamfri. Ma njab_u nehe ra Ndaxjua T'of_o hab_u ena: “Nu'a tó'o xa gamfri, ya hinte ma ts'oqui tu, nú'á pe'tsa 'nara 'ra'yo te.”

Yá thai tu ya meximhai

18 Ajuá utuabi ya meximhai tengu rá ndangui rá cue'a, ne brí nhyoqui'a pa dua p_ehna ra castigo de mahets'i pa da z_udi nú'u ya ts'o'yøde hingui ne da 'yøt'e xá hño. Ajuá ri ncu_e ngue'a nuya ja'i masque pa_di gue 'b_ui Ajuá ne pa_di te rí 'ñepi da 'yøt'e'u, pe hingui øt'e, nu'ú ri sigui co yá 'ñ_aqu'equ'ei ne yá ts'oqui.

19 Gatho nú'a te da za da fa_di de Ajuá, nu'ú xa t'utuabi xá hño, y nu Ajuá go gues_e xa 'ñutuabi'u.

20 Desde nú'b_u Ajuá bi hyoca ra ximhai, desde gue'b_u, Ajuá bi 'ñutuabi'u tengu rá 'm_ui'a. Gatho nú'u ya t'øt'e ri hnequi, gue'u utuabi ya ja'i tengu rá 'm_ui Ajuá nú'a hini hnequi, y njab_u ri hnequi gue Ajuá 'b_ui ne ja rá ts'edi pa nzantho. Hangue ya ja'i hingui tsa te da da_di de nú'a te xa 'yøt'e'u.

21 Nu'ú, masque bi ba_di Ajuá, pe himbi ne bi nsunda'u ngu rí 'ñepi, nixi bi umba njama_di de gatho ya hño xa hñani'u. Nu'a bi 'yøt'e, bi ts'oca yá

mfeni ne bi megui yá coraso pa himbi za bi baḍi nda'a ra hño nda'a ra 'ñu.

²² Masque mi eñ'u gue xi myá bamhya, pe hinte myá faḍi.

²³ Hangue bi zogui nú'a ra sɔcambeni mi 'ñepi da umbabi Ajuá nú'a xá nsunda ne pe'tsa ra te nzantho, pa go bi xɔcambeni ya c'oi nú'u xa thoqui ngu yá 'bai ya ja'i nú'u pe'tsi da du, nehe ya c'oi nú'u xa thoqui ngu rá 'bai 'nara ts'int's'u, ne nú'u ngu rá 'bai 'nara mbo'ni, ne nú'u ya c'oi dega qu'eña.

²⁴ Hangue Ajuá bi hyetho ya meximhai pa bi 'yɔt'a gatho nuya ts'onc'at'i mi beni ja yá mfeni, y njabu bi 'betua sehe yá tsa yá ndo'yo'u.

²⁵ Ngue'a nuya meximhai'u bi zogui nú'a Ajuá majuani pa go bi dena nú'u t'embabi gue go gue'u Ajuá; y nuya ja'i'u go bi nsunda nuya t'ɔt'e nú'u xa hyoca Ajuá, hingo bi nsunda Ajuá to'o bi hyoca gatho, ne xá nsunda rá thuhu'a pa nzantho.

²⁶ Hangue Ajuá bi hyetho'u pa bi 'ño ja yá hne dega 'beta, asta ya 'behña bi hñuxui yá mi'behñai hingo hɔnse co ya 'ñøhø ngu nú'a xqui manda Ajuá.

²⁷ Nehe ya 'ñøhø bi me'tsa 'nara ts'onc'at'i pa da hñuxui yá mi'ñøhøui hingo hɔnse co ya 'behña, y njabu 'ñøhø co 'ñøhø bi 'yɔt'a ra t'ɔt'e xi xá nts'o. Hangue ja gues'e bi hñani nú'a mi 'ñepi da hñani'u por yá ts'ot'ɔt'e.

²⁸ Nehe nguetho himbi ho da beni'u de Ajuá, hangue nu Ajuá bi hyetho'u pa bi beni ya mfeni xá nts'o ne pa bi 'yɔt'e nú'a himri 'ñepi'u,

²⁹ ne bi 'yøt'e'ɥ ya t'øt'e hingui ho, ne bi mɛ'tsa ndunthi ya ts'onc'at'i ne ya ts'omfeni. Myá nduste, myá hyote, myá 'yøt'atuhni, myá hyate, myá ts'o'mɥi, myá nønte,

³⁰ mi jɥ'tsua ya nc'uamba ma'ra, mi ɯtsa Ajuɥ, myá 'ñaqu'equ'e'i, mri 'ñexa sehɛ, mi beni hanja da za da 'yøt'a ya t'øt'e xá nts'o, myá ts'o'yøde co yá dada yá ñana.

³¹ Bi ts'oca yá mfeni hangue himi pɔdi nda'ɔ ra hño nda'ɔ ra 'ñɥ, ne himbi cumpli yá noya. Ne himbi mɛ'tsa ra hmɔte co yá ja'i, ne himbi mɛ'tsa ra huecate.

³² Nehe nubya njabɥ, masque pɔdi ya ja'i nú'a te xa mā Ajuɥ, gue nu'ɥ tó'o øt'a nuya t'øt'e'ɥ rí 'ñepi da du, pe masque pɔdi njabɥ, pe nu'ú øt'e nuya ya ts'ot'øt'e, y hingue hønse øt'e, nehe ri johyauí nú'ɥ ma'ra to'o handi'ɥ øt'a njabɥ nehe.

2

Ajuɥ ma da hñɔ'mba nguenda yá ts'oqui ya ja'i co ra hoga ts'ɯtbi

¹ Hangue dá ngu'a dá ngu, otho te grí ncøni nú'i guí 'yø de nú'a te øt'a ma'ra, ngue'a nú'a ra ora guí 'yø de nú'a te øt'a ma'ra, nu'í guí ncondena sehɛ, ngue'a guí øt'a nehe ngu øt'a nú'ɥ ma'ra.

² Dí pɔdihɥ gue Ajuɥ ma da hñɔ'mba nguenda co ra hoga ts'ɯtbi nú'ɥ to'o øt'a ya ts'oqui.

³ Hangue 'bɥ nú'i guí 'yø de ma'ra ne guí øt'a nehe ngu øt'e'ɥ, oguí beni gue ma gui mpont'ui rá cuɛ Ajuɥ nú'a ra pa da hñɔp'a nguenda.

⁴ Oxqui beni gue ngue'a Ajuɥ xi ra hoja'i con gue'i ne xa ze't'a ri nts'o'mɥi ne astabya hinxa

castiga'i, gue nu'i da za gui sigui gui 'yøt'a ya ts'oqui. Padi gue Ajuā ra hoja'i con gue'i pa gui ñobri.

⁵ Pe nu'í hinguí ne, ngue'a xi rá me ri coraso ne hinguí øde ne hinguí ñobri, hangue ma'na ma da castiga'i nú'a ra pa da hnequi rá cue Ajuā pa da 'yøt'a rá hoga ts'utbi'a.

⁶ Y nu'á ma da umbabi nú'a rí 'ñepabi cada 'na ngu nú'a xa mēfi.

⁷ Nu'á ma da umba ra te pa nzantho nú'u to'o xa hyomba rá nsunda ne xa hyoni pa Ajuā da 'ñe'tsua yá nsu ne xa hyonga ra te pa nzantho, ne hinxa zabi xa 'yøt'a ya hoga 'bēfi.

⁸ Pe pa ya ts'o'yøde nú'u 'met'o go øt'a nú'a hingui ho, ne hingo ne da 'yøt'a nú'a xá hño, Ajuā ma da umbabi'u 'nara castigo con gatho rá cue.

⁹ Ma da nja ya danga ugui ne ya dumui pa gatho nú'u ya ja'i øt'a ya ts'oqui, rá mudi pa ya xodyo, nepu pa gatho ma'ra ya ja'i.

¹⁰ Pe Ajuā ma da cu'ta ja rá nsunda gatho nú'u to'o xa mēfi ya hoga 'bēfi. Nehe ma da 'ñe'tsua yá nsu ne da umba ra hoga'mui, rá mudi pa ya xodyo, nepu pa gatho ma'ra ya ja'i.

¹¹ Ngue'a Ajuā hinda ma da huahnitho ya ja'i nura ora da hñā'mba nguenda'u.

¹² Ajuā ma da hñā'mba nguenda gatho ya ja'i mahyēgui, ngue'a gatho nú'u to'o xa 'yøt'a ya ts'oqui masque hinxa batua rá ley ra Moise, nu'ú ma dra thā'mba nguenda ne dra castiga nsingue da the'ta ra ley; ha gatho nú'u bi badi ra ley ne himbi 'yøt'a nú'a mā, nu'ú ma da thā'mba nguenda ngu nú'a mānga nú'a ra ley'a.

13 Ngue'a hingue nú'u xa 'yødetho rá ley ra Moise gue go gue'u 'bui xá hño co Ajuá, hina, pe nú'u to'o øte ra ley há, go gue'u ma da hma gue hinte ma ts'oqui tu.

14 Ne nú'a ra ora nuya ja'i hingyá xodyo øt'a sehe'u nú'a xá hño ngu nú'a manga rá ley ra Moise, njabu ri hnequi gue pe'tsa sehe 'nayá ley, masque hinxa badi rá ley ra Moise.

15 Ja gue'u ri hnequini 'nara ley ngu xa nt'ofa ja yá coraso. Nehe nu'á pe'tsa 'nayá ts'edisε pa da badi ua xá hño nú'a øt'e'u ua hina; nehe yá mfeni xipabi gue hingui ho nú'a øt'e, o ja ra ora xipabi gue xa 'yøt'a xá hño.

16 Nehe ma da njabu nú'a ra pa'a sta 'yøt'a ra nsuca uenda Ajuá ngu nú'a gra 'mai yá mfeni ya ja'i, masque nú'a xqui beni mant'agui'u. Ne nú'a to'o ma da hña nguenda go ma Zidadahu ra Jesucristo. Njabu udi ra maca hoga noya nú'a xa 'bencagui ga ma.

Ya xodyo ne ra ley nú'a bi 'yofa ra Moise

17 Nu'i xodyo, guí beni gue ja ri nsu ngue'a grá xodyo, ne guí camfri gue guí 'bui xá hño ngue'a guí pe'tsua rá ley ra Moise, ne grí 'ñets'i ngue'a guí nsunda nú'a ra Ajuá majuani,

18 ne guí patua rá paha'a, ne guí padi gui huahna nú'a xá hño ngue'a njabu u't'a'i ra ley.

19 Ne nu'i guí camfri gue da za gui cahna ma'ra ya ja'i ja ra uenda ya goda, y guí ngu 'nara ñot'i pa nú'u 'bui ja ra 'bexuui.

20 Y guí camfri gue da za gui utui ma'ra ya ja'i nú'u 'ñena ya t'ubatsitho hinte yá fadi, ngue'a nú'a

ra ley guí pɛ'tsi ja xcá tsɔhni ra hoga mfadi ne nú'a majuani.

²¹ Nú'i guí utui ma'ra, ¿hanja hingo guí øt'e nehe nú'a guí udi? Y nú'i guí mā gue hinda mpe 'na, ¿ha gue nu'i hinguí mpe?

²² Nú'i guí mā gue hinguí tsa da ts'inga 'nara medinthati, ¿ha gue nu'i hinguí øt'a njabɔ? Nú'i guí ɔtsa ya c'oi, pe ¿ha gue hinguí mpe ja yá nija'ɔ?

²³ Nú'i grí 'ñets'i ngue'a guí pɛ'tsua rá ley ra Moise, ¿ha gue hinguí 'betua rá tsa Ajuá ngue'a hinguí øt'a nú'a mǎnga nú'a ra ley'a?

²⁴ Hangué ja ra Mǎca T'ofó 'nará 'mɛhni Ajuá bi xipa ya xodyo ne bi 'ñembi: “Ya ja'i nú'ɔ hingyá xodyo ñama'ñ de Ajuá po rá ngue'ahɔ.”

²⁵ Nubyá nura circuncisio go gue'a ngu 'nara seña nú'a xa thuts'i ja ri ndo'yohɔ ne go gue'a ra nt'udi de ra cohi nú'a bi gohi Ajuá condu ri dadahɔ ra Abrá. Nú'a ra seña'a da max'ahɔ ndunthi 'bɔ gui 'yøthɔ nú'a mǎnga ra ley. Pe nu'bɔ hinguí øthɔ ngu mǎnga ra ley, nu'bú ra nt'udi de ra cohi ja ra uenda hinga ra nt'udi.

²⁶ Nehe nu'bɔ nú'ɔ ya ja'i hingyá xodyo nú'ɔ to'o hinguí pɛ'tsa nuna seña, nu'bɔ nú'ɔ pɛfi ya hoga 'bɛfi ngu nú'ɔ mǎnga ra ley, nu'bú nehe'ɔ Ajuá ma da hyandi gue ja ra uenda pɛ'tsa nú'a ra seña de ra cohi.

²⁷ Ne njabɔ nú'a to'o hingrá xodyo, ma da 'ñudi gue nu'i grá 'yøt'ats'oqui, ngue'a nu'á desde bi 'mɔi xa gohi rá ndo'yo ngu bi hyoca Ajuá nsi ra seña pe xa 'yøt'a ya hoga 'bɛfi ngu nú'ɔ mǎnga ra ley, ha nu'i guí pɛ'tsa ra seña de ra cohi ne guí pɛ'tsa rá ley Ajuá nt'ofó, pe hinguí øte nura ley'a.

28 Hangue ra xodyo xi majuañi hingo nú'a de rá 'baitho, ne ra seña xi majuañi hingo nú'a hnequi de thi ja rá ndo'yo.

29 Pe nu'a xi majuañi ra xodyo, gue'a nú'a to'o øta Ajuá ja rá coraso, ha nu'a ra seña xi majuañi, gue'a nú'a ja mbo ja rá coraso 'na, nú'a ra seña xa 'yøt'a Ajuá ja rá te 'na, hingue nú'a t'øt'e ja rá ndo'yo ngu xa nt'ofu ja ra ley. Y nú'u to'o xi majuañi ya xodyo ngue'a øta Ajuá ja yá coraso, go gue'u ma da 'ñe'tsua yá nsu Ajuá, hingo ya ja'i.

3

1 Nu'bú, ¿te ma'na ra mfats'i pe'tsa ra xodyo? O ¿te ma mfats'i hañi de ja ra seña de ra cohi?

2 Ndunthi ya mfats'i pe'tsa ya xodyo nú'a hinguí pe'tsa nú'u ma'ra ya ja'i. 'Na de nuya mfats'i'u gue'a gue Ajuá bi umba rá noya'a pa go bi su'u.

3 'Ra de gue'u himbi gamfri nú'a bi ña'tuabi'u Ajuá, pe nu'á hinguí ne da 'ñena gue Ajuá hinda ma da cumpli nú'a xa ñagui.

4 Hanja hina, nu'á ma da cumpli nú'a xa ñagui. Ajuá hinga ma ga ec'uambahu, ma'na xá hño ga beñhu gue gatho ya ja'i go ya c'uamba y hingo Ajuá. Ngu mąnga ja ra Maça T'ofu habu sipa Ajuá njaua ne ena:

Ma da fadi gue go gue'i guí mąnga majuañi, y ma gui ntate nú'a ra pa da 'ñec'uamba'i ya ja'i.

5 'Nara ja'i tsa da 'ñena njaua: “Nu'bu ma ts'oquihu japi da hnequi tengu rá hoga'mui Ajuá, nu'bú ¿ha gue ra hoga ts'atbi da castigaguihu?” Njabu mąnga nú'u ma'ra ya ja'i, hingo dí mąngá.

6 Hina, nujú hinda za ga beñh_u ngu beñ'ú. Ngue'a nu'b_u di njab_u ngu nú'a mañ'ú, nu'bú ¿hanja da za da 'yøt'a ra ts'utbi'a co ra ximhai?

7 'Nara ja'i tsa da 'ñena njaua: “Nu'b_u por 'nara nc'uamba ga ma ga japi da hnequi rá nsunda Aju_a ngue'a ja ri hnečni gue Aju_a cumpli rá noya, nu'bú ¿ha gue rí 'ñepabi da castigagui?”

8 Ne asta da za da 'ñena 'nara ja'i gue 'na da za da 'yøt'a nú'a xá nts'o pa da nja ra hño. 'Ra xa guscagui ra nc'uamba y 'bai mañ'ú gue guehna dí udi. Nuya ja'i'ú rí 'ñepabi da secuabi 'nara castigo.

Gathoguih_u dí tuh_u ya thai

9 Hangué ¿te ga beñh_u? ¿Ha gue ga beñh_u gue núj_u dyá xodyoh_u ma'na dí 'b_uh_u xá hño que ma'ra ya ja'i? Hina, hingui tsa; ngue'a ya stá ma gue gathoguih_u, ngu ya xodyo ngu nú'ú hinyá xodyo, gathoguih_u dí oh_u ja rá 'yε ra ts'oqui.

10 Hangué ra Maça T'ofó engá njaua: Jo'o ni 'na nú'a hindi tu ya ts'oqui. Haha, jo'o ni 'na.

11 Jo'o ni 'nara ja'i nú'a strá nt'axi rá mfeni, ne jo'o ni 'na to'o di honi Aju_a.

12 Gatho'ú ya ts'o'yøde, gatho'ú xa nts'oqui.

Ni 'na hingui øt'a xá hño, haha ni 'na.

13 Yá ne'ú xá nts'o, nja ngu 'nara nt'agui xots'i; ne nzantho hate'ú.

Nehe xá nts'uni yá ne, nja ngu rá ne ra qu'eña nú'a hote.

14 Pøni ya ts'one de yá ne, ne ya noya dega cuε.

15 Co 'na tui nu'ú da ma hnest'íhi pa da hyo yá miqu'eíui.

16 Habaraza 'yo'ú øt'a ya nhuati ne tsogui ya uguí,

17 y hinxa badi'ḥ hanja da 'mḥi'ḥ te rá 'ñentho.

18 Y nu'ḥ ni ts'ḥ hingui tsupabi rá cue Ajuḥ.

19 Nubyá dí paḍihḥ gue nú'a manga ja rá ley ra Moise, mā pa nú'ḥ to'o 'bḥ ja nú'a ra ley'a pa da me'tsa yá tsa y da go'ta yá ne, pa njabḥ nu'ḥ ne gatho ma'ra ya ja'i de ra ximhai da dø'ma nú'a ra castigo ma da hñani de Ajuḥ.

20 Ngue'a ni 'nara ja'i hinxa 'yøt'e gatho nú'a manda ja ra ley. Hangue engā ja ra Maça T'ofog ue Ajuḥ hinda ma da mā gue ni 'nara ja'i hingui tu ra ts'oqui, masque da 'mḥi 'ra da 'ñena gue xa 'yøt'a ngu nú'a manga ra ley. Ngue'a nu'araza ra ley xo'tsuabi yá ts'oqui ya ja'i.

Ra mpøhø bí ehe po ra jamfri

21 Pe nubya Ajuḥ xa 'ñudi 'nara hño pa ra meximhai, y nura hño'a, nú'a hanja grá 'bahḥ xá hño ja rá thandi'a. Pe nura hño'a hingui pe'tsi te da nu ni co ni 'nara ley, masque ja dí maḥmā ja rá ley ra Moise ne ja nú'a bi 'yofo ma'ra yá 'mehni Ajuḥ.

22 Nuna danga hñona mā gue nu'a tó'o camfri ra Zidada Jesucristo ya 'bui xá hño ja rá thandi Ajuḥ. Y nuna hñona ja pa gatho nuto da gamfri'a, ngue'a gatho ya ja'i mahyεgui, gue dra xodyo gue hindra xodyo.

23 Y gathoguiḥ dyá 'yøt'ats'oquiḥ, ne ni 'na de guecḥ hingui tsa ga 'yohḥ xá hño ngu ri ho Ajuḥ.

24 Pe nu'á xi ra hoja'i, hangue mā de rá pahase gue ya hinte ma ts'oqui dí tuhḥ ngue'a dí camfriḥ ra Zidada Jesucristo. Ajuḥ tsa da mā njabḥ ngue'a ra Zidada Jesucristo ya bi gutca ma thaiḥ.

25 Ajuḥ bá pehna ra Zidada Jesucristo pa bi du ja ra pont'i ngu 'nara hñ'a'ti, pa bi hñaga ma ts'oquiḥ

po rá maça ji bi mani, pa njab_u nu'a tó'o da gamfri'a ya hinda ma da zutua rá cue Aju_a. Njab_u bi 'yot'a Aju_a pa bi 'ñudi rá hoga ts'utbi, masque himi hnequihma_a ngue'a po rá maça pasencia hinxqui castiga ya ja'i nuya pa xqui thogui.

²⁶ Ha nubyá, po rá du rá T'_u, Aju_a bi 'ñudi rá hoga ts'utbi, ne nu'á ma gue ya hinte ma ts'oqui tu nú'_u to'o camfri ra Zidada Jesu.

²⁷ Hangue nubyá hinguí tsa to da 'ñets'i. 'B_u xa za 'na xa mε ya hoga 'bēfi ngu nú'_u mąnga rá ley ra Moise pa xa mpøhøhma_a, nu'bú xa zahma_a xa 'ñets'i. Pe nuto ya hinte ma ts'oqui tu ngue'a xa gamfri ra Zidada Jesucristo, nu'á hinguí tsa da 'ñets'i.

²⁸ Ngue'a dí pah_u xá hño gue Aju_a ma gue ya hinte ma ts'oqui tu nú'a to'o camfri ra Zidada Jesu nsinque te da nu co ya 'bēfi de ra ley.

²⁹ ¿Xi ha gue Aju_a go ra Aju_a nsøctho pa ya xodyo? ¿Ha hingrá Aju_a nehe pa nuya ja'i hingyá xodyo? Haha_a, go gue'a ra Aju_a nehe pa gue'_u.

³⁰ Ngue'a 'nat'a Aju_a 'b_ui, y nú'á ma gue ya hinte ma ts'oqui tu ya xodyo nú'_u pē'tsa ra seña de ra cohi ja yá ndo'yo nú'b_u camfri ra Zidada Jesucristo. Nehe go guet'a Aju_a ma gue nehe nú'_u hinguí pē'tsa ra seña ja yá ndo'yo ya hinte tu nú'b_u camfri'_u ra Zidada Jesucristo.

³¹ ¿Ha gue dí puth_u rá ley ra Moise ngue'a dí udih_u ra jamfri de ra Zidada Jesucristo? Hina, hinda za da feni njab_u, ngue'a nujú ma'na dí umf_u rá ts'edi nura ley'a.

4

Ra Abrá himbi mpøhø po nuya hoga 'bēfi bi 'yot'e

1 Xi ra Abrá nú'a ma mudi dadah_u núju dyá xodyoh_u, ¿te rá 'bε da za ga beñh_u 'b_u de gue'a?

2 Nu'b_u Ajuá xa mahmá gue ra Abrá ya hinte ma ts'oqui mi tu por yá hoga 'bεfi mi øt'e, nu'b_u nu'á xa zahmá xa 'ñets'i. Pe hina, himbi za bi 'ñets'i ja rá thandi Ajuá.

3 Ngue'a ra Măca T'ofu engu njaua: “Ra Abrá bi gamfri gue mi ma da hñani nú'a bi ña'tuabi Ajuá, hangue Ajuá bi mā gue ra Abrá ya hinte ma ts'oqui mi tu.”

4 Nu'b_u 'nara ja'i øt'a 'nara 'bεfi, nurá thaha da t'umbi hingui t'umtho co ra hñoja'i; t'umbabi ngue'a xa mpefi ne thupi.

5 Pe nura ja'i to'o camfri Ajuá ne camfri gue hingue po yá hoga 'bεfi da za da mā Ajuá gue ya hinte ma ts'oqui tu, nura ja'i'a, Ajuá da mā gue ya hinte tu ngue'a bi gamfri'a.

6 Nehe ra Davi xicj_u gue Ajuá mangu nuna noyana dega japi. Nu'á ena gue Ajuá mā gue 'nara ja'i ya hinte ma ts'oqui tu nsinque da 'y_u'tua nguenda de yá 'bεfi.

7 Ra Davi bi 'yofu njaua:
Njapi ndunthi nú'a to'o xra pumba yá ts'oqui.

8 Haha, njapi ndunthi nú'a hingui mā Ajuá te xa 'yøt'e.

9 Xi nuna ra noya dega japi mangu Ajuá, ¿ha gue mā pa gatho ya ja'i, o hønse pa nú'u pe'tsa ra seña de ra cohi bi gohi Ajuá co ya xodyo? Hina, nu'á mā pa gatho. Dí padih_u gue Ajuá bi mā gue ya hinte ma ts'oqui mi tu ra Abrá ngue'a bi gamfri'a.

10 ¿Ha gue ra Abrá mi pe'tsa ra seña ja rá ndo'yo nura ora'a o hina? Hina, himi pe'tsta nú'a ra seña'a, mi 'b_utho njab_u.

11 Nura seña de ra cohi bi thu'tsua ja rá ndo'yo pe asta 'mefa; y nura seña'a gue'a ngu 'nara seyo bi hñu'tsuabi Ajuá pa da fadi gue ri muui nú'a xqui mañ'a gue ra Abrá hinte ma ts'oqui mi tu ngue'a bi gamfri. Ajuá bi ma gue ra Abrá ya hinte mi tu ante da thu'tsuabi nura seña, y njabu ra Abrá bi ndada de gatho nú'u to'o camfri masque nu'ú hinxa me'tsa nú'a ra seña, pa njabu nehe'u Ajuá bi ma gue ya hinte tu'u.

12 Nehe ra Abrá bi ndada de ya ja'i to'o pe'tsa ra seña de ra cohi ne camfri, nú'u to'o hingue hønse pe'tsa ra seña pe nehe tenba rá jamfri ma dadahu ra Abrá nú'a to'o bi gamfri ante da thu'tsua ra seña.

Nuju ga hañhu ra hña'ti nú'bu ga camfrihu

13 Ajuá bi ña'tua ra Abrá da umbabi ra ximhai ngu 'nara tsogui pa gue'a ne pa yá ja'i 'mefa de gue'a. Bi ña'tuabi pe hingue ngue'a xqui 'yøta ra ndaxjua ley; nu'a bi ña'tuabi njabu ngue'a mi camfri ne ya hinte ma ts'oqui mi tu.

14 'Bu nú'u to'o ri dena ra ndaxjua ley da gohui nú'a ra tsogui, nu'bu ra jamfri da bøni gue hinte ri muui, ne nú'a ra hña'ti'a ma da njabutho.

15 Pe ra ley ri japi da hnequi rá cue Ajuá ngue'a dyá ts'o'yødehu, pe 'bu di otho 'nara ley, nu'bu ¿hanja gra ts'o'yødehu?

16 Hangue nura hña'ti de ra tsogui ja pa nú'u to'o camfri, pa njabu Ajuá da za da unga ra tsogui po rá hñoja'i. Ma dra t'umbi pa gatho yá ja'i ra Abrá, hingue hønse pa nú'u to'o bi nte ja ra ley nepu bi gamfri, pe nehe pa nú'u to'o hinxa te ja ra ley ne bi

gamfri ngu bi gamfri ra Abrá nú'a to'o go ra dada de gathoguih_u núj_u dyá gamfrih_u.

17 Ngu m_anga ja ra M_aca T'of_o gue Aju_a bi xipa ra Abrá ne bi 'ñ_em_bi: “Stá hux'a'i pa gui ndada de ndunthi ya hnini.” Hangue ja rá thandi Aju_a ra Abrá bi ndada de gatho nú'_u to'o camfri. Y nu'á mi camfri gue Aju_a tsa da japi da yopa nte nú'_u xa du, y ri manda nú'a hingui 'b_uitho, pa gue'a ja ra u_enda ya 'b_ui.

18 Ne masque ngu xmá hñei, pe ra Abrá mi camfri gue da zøhø nú'a xqui xipabi Aju_a ne bi sigui bi dø'mi. Hangue njab_u nu'á bi ndada de ndunthi ya hnini ngu nú'a xqui xipabi Aju_a ne bi 'ñ_em_babi: “Ma da ndunthi ri b_atsi da 'm_ui.”

19 Ra Abrá xi mi ja rá jamfri gue da me'tsa 'nará t'_u. Nu'á himi jamasu ua ya mrá daqu'ei, masque mi ma da got'a 'na nthebe njεya. Nixi himi jamasu gue ra Sara nurá 'b_ehñ_a'a ya mrá daqu'ei nehe ne hinxqui me'tsa ni 'nara b_atsi.

20 Pe de nú'a xqui hñ_a'tuabi ni ts'_u himbi 'b_e rá jamfri, nu'á ma'na bi nja rá jamfri, ne bi nsunda Aju_a.

21 Ngue'a mi pa_di xá hño gue Aju_a mi ja rá ts'edi pa da 'yøt'e ngu nú'a xqui ñ_a'tui.

22 Hangue por gue'a Aju_a bi m_a gue ya hinte ma ts'oqui mi tu ra Abrá, ngue'a ra Abrá bi gamfri'a.

23 Pe nuya noya nú'_u ena gue Aju_a bi m_a gue ya hinte ma ts'oqui mi tu ra Abrá, himbi t'of_o hønse pa ra Abrá;

24 bi t'of_o pa guecaguih_u nehe, ngue'a Aju_a m_a mahyεgui de guecj_u núj_u dí camfrih_u'a. Dí camfrih_u gue nu'á pe'tsa ra ts'edi pa bi 'yøt'e bi yopa

nte ma zi Hmuh_u ra Jesucristo.

²⁵ Nu'á bri da pa bi du po rá ngue ma ts'oquih_u, ne bi t'øt'e pa bi yopa nte pa bi t'udi gue ya hinte ma ts'oqui dí tuh_u.

5

Ya hño nú'u pɛ'tsa ra gamfri ngue'a Ajuá xa mā gue ya hinte ma ts'oqui tu

¹ Nubyá Ajuá xa mā gue ya hinte ma ts'oqui dí tuh_u ngue'a stá camfrih_u'a, hangue ya dí 'buh_u te rá entho con gue'a por ma Zidadah_u ra Jesucristo.

² Nehe ngue'a dá camfrih_u ma zi Hmuh_u ra Jesucristo, hangue ya stá jonih_u co Ajuá ra Dada ne stá tsutuah_u rá hñoja'i'a. Y nubyá ya dí 'buh_u ja nú'a ra hñoja'i'a, ne dí tø'mh_u co ndunthi ra johya nú'a ra pa ga 'buh_u ja rá nsunda Ajuá.

³ Y hingue hønse dí johyah_u por gue'a, nehe rí 'ñepi ga johyah_u ora dí thoh_u ya ts'othogui, ngue'a dí pādih_u gue ya ts'othogui ri jacj_u ga zɛdih_u.

⁴ Y nu'b_u ga zɛdih_u, ga pøñh_u 'radyá hoga gamfrih_u, y por guehna ma'na da ndāngui ma nthø'mateh_u.

⁵ Y nuna nthø'matenā hinda ma da njabutho nep_u ga 'bɛ ma tsah_u, ngue'a ra Māca Ndahi nú'a xa t'acaguih_u xa 'ñutcah_u xá hño gue Ajuá mācaguih_u.

⁶ Dí pāh_u gue Ajuá mācaguih_u, ngue'a ja nú'a ra pa xqui beni'a, bá pēhna ma zi Hmuh_u ra Jesucristo pa bi du po rá nguecj_u núj_u ndyá dadits'oquih_u, ngue'a nuj_u otho ma ts'ɛdih_u pa ga mpøhøseh_u.

7 Xi xá hñei to da ne da du po rá ngue 'nará miqu'eiuí nú'a di øthmá xá hño, pe ja ra ora da za 'na da rezga da du po rá ngue 'nara hoja'i.

8 Pe Ajuá xa 'ñutcaguih_u tengu rá ndanguí rá hmáte nú'a pɛscáh_u, ngue'a masque 'nandyá dadíts'oquih_u, pe bá pɛhna ma zi Hmuh_u ra Jesucristo pa bi du po rá nguecj_u.

9 Y núbya ya gue nu'á bi du pa bi ñangaguih_u co rá maça ji, ne ya hinte ma ts'oqui dí tuh_u, nu'bú nubyá go dí tømhu gue nu'á da ñangaguih_u de rá cuɛ Ajuá sta 'ñep_u.

10 Nuj_u ndí ncontrah_u co Ajuá, pe nubyá dí mádi_u con gue'a po rá du rá maça T'ɸ. Y núbya stá mádi_u con gue'a, dí pádi_u gue ma ga mpøhøhu po rá te'a.

11 Pe hingue hønse'a, nehe nuj_u dí johyah_u ndunthi ngue'a dí 'buh_u xá hño co Ajuá por nú'a bi 'yøt'e ma zi Hmuh_u ra Jesucristo, ngue'a por nú'a bi 'yøt'e'a ya stá mádi_u co Ajuá.

Nú'a bi 'yøtcah_u ra Adá y nú'a bi 'yøt'a ra Zidada Jesucristo pa guecj_u

12 Hangue nu mi yut'a ra ts'oqui gatho ja ra meximhai, bi yut'i po nú'a bi 'yøt'a 'nara 'ñøhø, y go gue'a numa mudi dadah_u. Nehe po rá nts'o'yøde'a ra du bi yut'i ja gatho ya ja'i, ngue'a xa t'øt'a ra uenda gue gatho bi 'yøt'a ra ts'oqui.

13 Hangue ante da thuxa ra ley ya mi ja ra ts'oqui ja ra ximhai, pe nú'ɸ ya ts'oqui bi t'øt'e himbi thanga nguenda ngue'a hinxqui thusta ra ley, ngue'a hingui tsa da thanga nguenda ya ts'oqui nu hab_u otho ni 'nara ley.

14 Pe madi njab_u, ra du bi ntate ja ya ja'i desde ra Adá asta ra Moise, masque nú'_u ya ja'i'_u himbi 'yøt'a ngu nú'a ra nts'o'yøde bi 'yøt'a ra Adá. Nura Adá po nú'a bi 'yøt'ase hangue bi nja ra du pa gathogui_u; njab_u nehe bi 'ñehe ra Zidada Jesucristo bi 'yøt'ase pa bi nja ra te pa nzantho.

15 Pe nú'a ra ts'oqui bi 'yøt'a ra Adá hinga ra dangui ngu nú'a ra 'baha bi unga Aju_a dega hñoja'i. Po rá ngue rá ts'oqui 'nadra 'ñøhø bi nja ra du pa gatho, pe Aju_a po rá hñoja'i bá pehna 'nadra 'ñøhø nehe pa da unga ra te pa nzantho ngu 'nara 'baha pa gatho ya ja'i po rá hñoja'i nú'a 'nadra 'ñøhø. Y nura 'ñøhø'a go gue'a ma Zidadah_u ra Jesucristo.

16 Ra ts'oqui dí tuh_u por nú'a bi 'yøt'a 'nada ra ja'i hinga ra dangui ngu nú'a ra 'baha xa t'acj_u. Aju_a bi hña'mba nguenda de nú'a 'nadra ts'oqui, ne bi 'ye'mba ra du pa gatho ya ja'i; pe 'mefa Aju_a po rá hñoja'i bi unga nura 'baha'a masque ya ja'i xi xqui 'yøthma ndunthi ya ts'oqui, pe Aju_a bi ma gue ya hinte ma ts'oqui mi tu.

17 Ya gue bi ntate ra du po nú'a ra ts'oqui bi 'yøt'a 'nada ra 'ñøhø, pe nubyá nú'_u to'o xa hñani nú'a ra 'baha xa unda Aju_a po rá hñoja'i y xa hñani nura noya gue nu'ú ya hinte ma ts'oqui tu, nu'ú ma go da nda'_u ja nú'a ra te xa 'ñep_u po rá ngue nú'a bi 'yøt'a 'nada ra 'ñøhø, y nura 'ñøhø'a go gue'a ma zi Hmuh_u ra Jesucristo.

18 Hangue por nú'a ra ts'oqui bi 'yøt'a 'nada ra 'ñøhø, Aju_a bi 'ye'mba ra du pa gatho ya ja'i, y nehe por nú'a ra hoga 'befi bi 'yøt'a 'nada ra 'ñøhø, Aju_a ena pa gatho ya ja'i gue ya hinte ma ts'oqui tu'_u ne umbabi'_u ra te.

19 Po 'nara ts'o'yøde gá 'ñøhø, bi japi bi nts'oqui gatho ya meximhai, njab_u nehe po 'nara hoga'yøde, ndunthi da t'embi gue ya hinte ma ts'oqui tu.

20 Pe 'mefa bi nja ra ley pa ma'na bi ndunthi ya nts'o'yøde. Y masque xa ndunthi ya nts'o'yøde, ma'na xa ndangui rá hñoja'i Ajuá.

21 Masque ra ts'oqui xi bi ntatehma ngue'a bi nja ra du, pe ma'na bi ntate rá hñoja'i Ajuá, ngue'a po rá hñoja'i'a nu'á ma gue nuj_u ya hinte ma ts'oqui dí tuh_u, ne xa 'racaguih_u ra te pa nzantho po ma Zidadah_u ra Jesucristo.

6

Nú_u stá 'uegueh_u de ra ts'oqui rí 'ñepi ga 'buh_u 'nara 'ra'yo te co ra zi Hmu Jesucristo

1 Xibya, ¿te ga mañh_u? ¿Ha gue ga sigui ga øth_u ya ts'oqui pa ma'na da ndangui rá hñoja'i Ajuá pa guecj_u?

2 ¡Hina! ¡Hinda za ga beñh_u njab_u! Nuj_u ma'met'o ndí oh_u ja rá 'ye ra ts'oqui, pe nubyá ya stá pøñh_u, ya hindí oh_u ja rá 'ye, ja ra uenda ya stá tuh_u. Nu'bú ¿hanja da za ga sigui ga øth_u ya ts'oqui?

3 ¿Ha gue hinguí padih_u gue nú_u stá nxisteheh_u stá 'nathoh_u co ma zi Hmuh_u ra Jesucristo, ne nura ora dá nxisteheh_u ja ra uenda dá tuh_u con gue'a?

4 Nehe nú'a ra ora dá nxisteheh_u, ja ra uenda dá nt'aguih_u ngu bi nt'agui'a ngu 'ñena stí tuh_u nehe, pa ngu bi yopa nte'a de ja ra du po rá maça ts'edi Ajuá rá Dada, njab_u necaguih_u stá yopa nteh_u ma'ra'yo pa ga 'buh_u 'nara 'ra'yo 'mái.

⁵ Ngue'a nu'bu stá 'nathohu con gue'a ngue'a ja ra uenda stá tuhu ngu bi du'a, nu'bu ma ga 'bahu 'nara 'ra'yo 'mai ngu gra 'ma'a, ngue'a ja ra uenda dá yopa ntehu ngu bi yopa nte'a de ja ra du.

⁶ Dí padihu gue ma ndaxjua 'maihu bi mpont'i mahyεgui con gue'a, pa gue numa ndaxjua 'maihu nú'a mi pεpa ra ts'oqui, ngu ya xra huati pa ya hinga 'mεgohu de ra ts'oqui.

⁷ Ngue'a nu'a tó'o ya xa du, ya hingui o ja rá 'yε ra ts'oqui.

⁸ 'Bu stá tuhu mahyεgui co ma zi Hmuhu ra Jesucristo, dí camfrihu gue ga 'bahu con gue'a.

⁹ Ngue'a dí pahu gue ma zi Hmuhu to'o bi yopa nte de ja ya du, ya hingui pε'tsi te da yopa du'a, ne ra du hinda ma da yopa ntate de gue'a.

¹⁰ Ngue'a nu mi du'a, bi du 'na'quitho pa bi gutca gatho ma ts'oquihu, y ya hingui pε'tsi te da nu co ra ts'oqui. Y nubyá nu'a bi yopa nte y 'bai pa rá nsunda Ajuá.

¹¹ Njabu necju ga øthu ra uenda gue ya stá tuhu ne ya hindí pε'tshu te ga nuhu co ra ts'oqui, ne ya dí 'bahu pa rá nsunda Ajuá ngue'a dí 'nathohu co ma zi Hmuhu ra Jesucristo.

¹² Hangue ya oxqui hophu ra ts'oqui da sigui da manda ja ri ndo'yohu nú'u ma da du. Oxqui hophu da ja'ahu gui 'yøthu nú'a go da ne ri ndo'yohu.

¹³ Oxqui sigui gui pεphu ra ts'oqui nú'a ja'ahu gui 'yøthu nú'a hingui ho. Nu'a gui 'yøthu, daphu ri tehu ja rá 'yε Ajuá pa gui 'yø'tuahu rá paha'a, ngue'a nu'ahu ja ra uenda ya xcá tuhu de ra ts'oqui ne xcá yopa ntehu ma'ra'yo. Hangue daphu ri ndo'yohu ne ri ts'εdihu Ajuá pa gui pεphu rá 'befi'a.

14 Ngue'a nura ts'oqui ya hinda ma da nda de guecɥ, ngue'a ya hindí 'bɥhɥ ja rá hmanda ra ndaxjua ley, nubyá dí 'bɥhɥ ja rá hñoja'i Ajuá.

Núɥ ndí ohɥ ja rá 'yɛ ra ts'oqui, ¿pa te ga yopa penjɥni?

15 Nde'bɥ, ¿ha gue ga øthɥ ya ts'oqui ngue'a dí 'bɥhɥ ja rá hñoja'i Ajuá ne ya hindí 'bɥhɥ ja rá hmanda ra ndaxjua ley? ¡Hina! ¡Hinda za ga beñhɥ njabɥ!

16 Dí padihɥ gue dyá 'bɛgohɥ de nú'a to'o dí øtehɥ. Nu'bɥ guí øtehɥ ra ts'oqui go rá 'bɛgo'ihɥ'a ne go gue'a da ja'ahɥ gui 'mɛdihɥ. Ha nu'bɥ guí øthɥ Ajuá go rá 'bɛgo'ihɥ'a y nu'á da 'yøt'e pa gui 'bɥhɥ xá hño ja rá thandi'a.

17 Pe jamadi Ajuá gue masque gá 'mɛgohɥ de ra ts'oqui, pe nubyá ya xcá ndahɥ pa gui 'yøtehɥ con gatho ri mɥihɥ ra nt'utuata xa t'u't'ahɥ.

18 Ajuá bi zin'ahɥ de rá 'yɛ ra ts'oqui nú'a nguí pɛphɥ, pa go gui pɛphɥ'a ne gui 'yøthɥ xá hño ngu ri ho'a.

19 Nuna dí xi'ahɥ, dí hɛc'ahɥ ngu ya 'bɛgo pa da zo ri mfenihɥ. Njabɥ ngu xcá ndahɥ pa gá 'mɛgohɥ ja ra ts'oqui ne nguí nts'o'yødehɥ, njabatho nehe ndahɥ ja rá 'yɛ Ajuá pa gui 'yøthɥ nú'a xá hño, ne gui 'bɥhɥ xá nt'axi.

20 Nguetho nú'bɥ nguí 'mɛgohɥ ja ra ts'oqui, himi tsa gui 'yøthɥ nú'a xá hño.

21 ¿Te ma thahá gá hañhɥ de nú'ɥ ya t'øt'e xmá nts'o nguí øthɥ? Ha nubyá grí ntsahɥ de gue'ɥ. Ngue'a nú'a ra thahá ri uni nú'ɥ ya t'øt'e xá nts'o, go gue'a ra du.

22 Pe nubyá ya hingyá 'bɛgohɯ de ra ts'oqui, ya gyá 'bɛgohɯ de Ajuá, hangue ya xcá hañhɯ 'nara danga thahá, y nura thahá'a go gue'a gui 'bɯhɯ xá nt'axi y rá ngats'i 'nara te pa nzantho.

23 Nguetho nurá njut'i ra ts'oqui go gue'a ra du, pe nurá 'baha Ajuá go gue'a 'nara te pa nzantho nú'a da 'racɯ ngue'a dri 'nathohɯ co ma Zidadahɯ ra Jesucristo.

7

Dí 'bɯhɯ co ra Zidada, hingue dí 'bɯhɯ ja ra ndaxjua ley

1 Zi cuhɯ, nu'ahɯ guí padihɯ ya ley, gue mientras ra ja'i te, pɛ'tsi da 'yɔt'e ngu mąnga ra ley, pe 'bɯ da du, ya hina.

2 Nja ngu 'nara 'bɛhñá ra medinthati, mientras te rá dame pɛ'tsi da 'yɔt'e nú'a mąnga ra ley dega nthati, pe nu'bɯ ya xa du rá dame, nura 'bɛhñá'a ya hingui 'bɯi ja nura ley'a.

3 Pe nu'bɯ te rá dame, ne da mɛui ma'na ra 'ñøhø, nura 'bɛhñá'a da thu'mbabi ra zinga medinthati; pe nu'bɯ xa du rá dame, nura 'bɛhñá'a ya hingui 'bɯi ja nura ley'a, ne hinda ma da thu'mbabi ra zinga medinthati masque da nthatui ma'na ra 'ñøhø.

4 Njabɯ necaguihɯ ndí 'bɯhɯhmá ja rá hmanda ra ndaxjua ley. Pe nubyá ja ra uenda stá tuhɯ mahyɛgui co ra Zidada Jesucristo nu mi du'a, ne ya hindí 'bɯhɯ ja nura ley'a. Dá njahɯ ngu nú'a ra 'bɛhñá bi du rá dame ne bi nthatui ma'na, ngue'a nuju ya hindí 'bɯhɯ ja ra ndaxjua ley, ngue'a ya dá 'nathohɯ co ra Zidada Jesucristo nú'a to'o bi yopa

nte de ra du. Y stá njah_ubu pa da za ga øth_u ya hoga 'b_efi pa rá nsunda Aju_a.

⁵ Ngue'a nú'b_u ndí 'b_uh_u ja ma ndaxjua 'm_ui_hu xá nts'o, nura ley ma'na bi nupca ma mfeni_hu pa dá øth_u nú'u ya ts'onc'at'i ndí pe'tsh_u, y nu'ú mri mpefi ja gatho ma ndo'yoh_u pa dá øth_u ya ts'oqui ne pa xa zixcahma_hu ja ra du.

⁶ Pe nubyá ja ra uenda stá tuh_u de ja ra ndaxjua ley, ngue'a ya hindí 'b_uh_u ja rá hmanda nú'a ra ley'a. Ya hindí oh_u ja rá 'y_e ra ley, hangue nubyá da za ga peph_u Aju_a co 'nara 'ra'yo mfeni nú'a bi 'racj_u ra Ma_ca Nd_ahi, ne hingue ngu ma'met'o nú'b_u ndí 'b_uh_u ja rá hmanda ra ndaxjua ley ne ndí peph_u ngu nú'a xqui t'of_o.

Ra ts'oqui nú'a dí hah_u

⁷ ¿Te ga beñh_ubya? ¿Ha gue ra ndaxjua ley tu ra thai de ra ts'oqui? ¡Hina! ¡Hinda za! Ngue'a go gue'a bi 'ñutcagui te rá 'b_e'a ya ts'oqui. Ngue'a hinduí pa_di hma_ha ua ra ts'oqui pa dra hyøcua nú'a te pe'tsi ma'na. Dá pa_di asta nu mi 'ñengagui ra ley: “Oxqui hyøca nú'a hinga ri meti.”

⁸ Pe nu ndá øde nura hmanda'a, nuya ts'onc'at'i bi mpefi ja ma ndo'yo pa dá hyøque ndunthi ya t'øt'e, y njab_u dá tu ra ts'oqui ngue'a hindá øt'e ngu nú'a m_anga ra ley, ngue'a nsi ra ley hingui tsa to da du ra ts'oqui.

⁹ Ma'met'o hinduí pa_hma_u ra ley, y ndí beni gue nduí 'b_ui xá hño ja rá thandi Aju_a. Pe nu ndá pa_di ra ley, gue'b_u dá pa_di tengu rá ndangui ra thai ndí tu, ha nura ts'oqui ma'na bi nja rá ts'edi pa bi cacagui ga pepi.

10 Njabu ra ley nú'a ña'tui ra te pa nzantho pa to'o da cumplibi, bi 'ñutcagui gue ya dí nehi ra 'ñu pa ja ra du.

11 Ngue'a ra ts'oqui mi cacagui ga øt'a nú'a mi hagamā ra ley pa hinga øt'e, hangue ra ley bi condenagui ga tu po rá ngue ra ts'oqui.

12 Hangue ra maça ley xá nt'axi y nú'a ri manda'a go gue'a xá nt'axi ne xá hño y øt'a ra hoga ts'utbi.

13 Nu'bá, ¿ha gue nú'a ra hoga ley go gue'a bi 'yøtca 'nara 'ñu pa xa zixca ja ra du? ¡Hina! ¡Hinga beñu njabu! Ngue'a nuya ts'oqui stá øt'e go gue'a bi 'yøtcagui nura 'ñu pa xa zixcahma ja ra du. Y njabu xa fadi que nura ts'oqui xi ra cate, ngue'a por nú'a ra hoga ley, ra ts'oqui bi jaqui dá 'mɛdihma. Hangue po ra ley bi hnequi gue ra ts'oqui nts'edi xá nts'o.

14 Dí padihu gue ra ley bá ehe de mahets'i. Pe nugui drá ja'i dega ximhai, ne dí o ja rá 'yɛ ra ts'oqui, hangue otho ma ts'edi pa ga øt'a ngu nú'a ri manda ra ley.

15 Nugui hindí padi nú'a dí pɛfi, ngue'a hingo xi ma paha nú'a dí pɛfi, pe nú'a ya 'bɛfi dí ɛtsa xcá thamfri ya dá øt'e.

16 Y nu'bu dí øt'e nú'a hingui ho ne hingo ma pahaga, nu'bá numa pahaga ri nthɛ ngu manga ra ley, ngue'a ra ley mā gue hinxá hño nú'a dá øt'e, hangue dí handi gue ra ley xá hño.

17 Hangue njabu hingo de guecɛ dí pɛfi nuya t'øt'e. Nuya ts'onc'at'i dí pɛ'tsi ja ma ndo'yo, go gue'a ri jaqui dí øt'a njabu.

18 Y nugui dí padi gue hinte ma t'øt'e xá hño dí øt'e ja ma ndaxjua 'mɛi, ngue'a ga nehma ga øt'e

nú'a xá hño pe hingui tsa ga øt'e.

¹⁹ Nguetho nura hño dí ne ga øt'e, hindí øt'e, pe nú'a xá nts'o ne nú'a hingo ma paha pa ga øt'e, nu'á go gue'a dí øt'e.

²⁰ Pe nu'b_u nugui ga øt'e nú'a hingo dí ne, nu'b_u ha, hingo dí p_efi nura 'b_efi'a, nuya ts'onc'at'i dí p_e'tsa ja ma ndo'yo go gue' _u ri jaqui dí øt'a njab_u.

²¹ Hangue dí pa_di gue nz_antho ri nd_a 'nara ts'edi ja ma ndo'yo, y ri mpe_fi njaua: 'b_u dí ne ga øt'a nú'a xá hño, hingui tsa ngue'a nz_antho go dí øt'a nú'a hingui ho.

²² Ngue'a nugui de ja ma mfeni dí ho rá ley Aju_a,

²³ pe ja 'nara ts'edi ma'na'ño nú'a ri nd_a ja ma ndo'yo. Nura ts'edi'a ri ntuncui ma paha, ne nz_antho jaqui ga øt'a ya ts'oqui pa ma'na rí d_atc'agui'a.

²⁴ ¡Huecategui! Xibya, ¿to da ñangagui de nuna ts'edi ri nd_a ja ma ndo'yo nú'a tsixcagui pa ja ra du?

²⁵ Jam_adi Aju_a gue ya bi ñangagui'a po ra Zidada Jesucristo. Guehna nú'a dí ma: nugui de ma paha dí ne ga p_epabi rá ley Aju_a, pe rá ts'edi ra ts'oqui ri nd_a ja ma ndo'yo.

8

Ra te nú'a ja po rá ts'edi ra Maça Nd_ahi

¹ Nubyá, Aju_a ya hinda ma da condenagui_u ni 'na de guec_u nú_j drí 'nathoh_u co ra Zidada Jesucristo ne dí 'yoh_u ngu nú'a utcah_u ra Maça Nd_ahi, y ya hindí ø'tuah_u rá paha ma ndo'yoh_u.

² Ngue'a Aju_a xa ñangagui_u de rá ts'edi ra ts'oqui nú'a mi tsixcah_u ja ra du, y nubyá ra Maça

Ndahi go gue'a ri mandaguih_u ne tsixcah_u ja ra 'ra'yo te ngue'a drí 'nathoh_u co ra Zidada Jesu-cristo.

³ Ra ndaxjua ley mi xicj_u ndunthi ya 'bɛfi pa stá øth_u hmaha, pe himbi za bi maxcah_u pa stá øth_u ngue'a ndí ø'tuah_u rá paha ma ndo'yoh_u. Pe Aju_u ha, xa maxcah_u ngue'a bá pɛhna rá T'_u, bi 'ñe bi nja'i ngu núj_u dyá 'yøt'ats'oquih_u pa bi za bi unga rá maça ndo'yo po ma ts'oquih_u, y njab_u Aju_u bi hñ_uacua rá ts'edi ra ts'oqui pa hinda sigui da nda ja ma ndo'yoh_u.

⁴ Aju_u bi 'yøt'a njab_u pa da za ga øth_u ya hoga 'bɛfi ngu ri manda ra ndaxjua ley, ngue'a nubyá go dí øth_u ngu nú'a rá paha ra Maça Ndahi, y ya hindí øth_u nú'a go rá paha ma ndo'yoh_u.

⁵ Ne dí pa_udih_u nu'a tó'o ø'tua rá paha rá ndo'yo, hønse oda rá mfeni nú'a go da ne rá ndo'yo, pe nu'a tó'o ø'tua rá paha ra Maça Ndahi, nu'a ha, oda rá mfeni hanja da 'yøt'tua nú'a ri ho ra Maça Ndahi.

⁶ Nguetho nu'a tó'o hønse oda rá mfeni ra ndaxjua 'm_ui go gue'a ma da 'mɛdi. Pe nuto oda rá mfeni da 'yøt'e ngu nú'a ri ho ra Maça Ndahi, nu'a pɛ'tsa ra te nz_uantho ne 'b_ui te rá 'ñentho.

⁷ Nguetho nu'a tó'o oda rá mfeni ra ndaxjua 'm_ui, go gue'a ri ncontraui Aju_u, nguetho hingui øte rá ley Aju_u ha nixi hinda za da 'yøt'e.

⁸ Nu'a tó'o ø'tua rá paha rá ndo'yo, hingui tsa da 'yøt'e ngu nú'a ri ho Aju_u.

⁹ Pe nu'ah_u ya xcá tsoh_ub_u nuri ndaxjua 'm_ui_u, ne ya hinguí ø'tuah_u rá paha ri ndo'yoh_u. Nubyá guí ø'tuah_u rá paha ra Maça Ndahi ngue'a nu'a 'b_ui ja ri corasoh_u. Y nu'a tó'o hingui pɛ'tsa ra Maça

Ndahi nú'a bá pēhna ra Zidada Jesucristo, nura ja'i'a hingo rá mēti ra Zidada Jesucristo.

¹⁰ Pe 'b_u ra Zidada Jesucristo 'b_{ui} ja ri corasoh_u, masque ri ndo'yoh_u xa t'ē'mbi da du po rá ngue ra ts'oqui, pe nuri ndāh_{ih} ma da 'm_{ui} pa nzantho ngue'a ya hinte ma ts'oqui guí tuh_u.

¹¹ Ajuā to'o bi japi bi yopa nte ra Zidada Jesucristo, go gue'a ma da japi da yopa nte ri ndo'yoh_u nehe ngue'a ra Māca Ndah_i 'b_{ui} ja ri corasoh_u. Nú'a ri ndo'yoh_u xa du, Ajuā ma da japi da yopa nte po ra Māca Ndah_i nú'a 'b_{ui} ja ri corasoh_u.

¹² Hangue ringue'a zi cuh_u, hinga mahyoni ga ø'tuabih_u rá paha ma ndo'yoh_u ngue'a ya hindí 'b_{uh} ja rá hmanda'a.

¹³ 'B_u go gui ø'tuah_u rá paha ri ndo'yoh_u, nu'bú ma gui tuh_u. Pe nu'b_u co rá ts'edi ra Māca Ndah_i gui hñācj_u ya ts'ot'øt'e de ri ndo'yoh_u, nu'bá hingui ma gui tuh_u.

¹⁴ Nguetho gatho nú'u to'o øt'e ngu nú'a utuabi ra Māca Ndah_i, go gue'u yá batsi Ajuā.

¹⁵ Nura Māca Ndah_i bi t'acj_u pa ya hinga 'mēgoh_u ja ra ts'oqui, hangue njab_u ya hinga yopa ntsuh_u. Nura Māca Ndah_i bi t'acj_u go gue'a bi 'yøt'e pa dyá batsiguih_u Ajuā. Hangue po rá ts'edi ra Māca Ndah_i dí emf_u Ajuā: “¡Ma hmāca Dada'ihē!”

¹⁶ Nguetho ra Māca Ndah_i gue'a damajuāni ja ma ndāh_{ih} gue yá batsiguih_u Ajuā.

¹⁷ Y dí pah_u gue nuya batsi gatho nú'a te pē'tsa yá dada go yá mēti nehe. Hangue necj_u nehe ma mētih_u nú'a te pē'tsa Ajuā, y mahyēgui co ra Zidada Jesucristo ma ga hañh_u nú'a ma da 'racj_u Ajuā ngu 'nara tsogui, pe mahyoni ga tseth_u ya thogui ngu

bi zeta ra Zidada Jesu, pa nehe da za ga 'buh_u ja rá nsunda con gue'a.

18 Dí pa_{di} gue nuya ts'othogui dí thoh_u nuya pabya ni ts'_u ri nhyεcuauí rá ndāngui de nú'a ra nsunda ma ga hanth_u 'mefa.

19 Gatho nú'a xa hyoca Ajuā, ja ra uenda ngu tɔbgah_u co ndunthi ra johya nu xcrá hnequih_u ja rá nsunda Ajuā nú_u yá batsiguih_u'a.

20 Gatho nú'a te xa hyoca Ajuā xmá hñohmā pe 'mefa bi ts'oqui. Pe hingo de yá pahaseh_u'u, go rá paha Ajuā pa bi njab_u, pe nu'á bi 'yε'mbi gue da yopa hogui 'mefa.

21 Y nura pa'a ma da uadi yá nzabi de gatho nú'a te xa hyoca Ajuā, ngue'a ma da yopa hogui ma'ra'yo. Hangue gatho nuya t'ɔt'e ja, ya hinda ma da 'yo ja rá 'yε ra ts'oqui nu sta zixcaguih_u Ajuā de nuna ra ts'oximhai pa grá 'buh_u ja rá nsunda nú_u yá batsiguih_u'a.

22 Dí pah_u gue gatho nú'a bi hyoca Ajuā, astabya ri sufri ngu ri sufri 'nara 'bεhñā ma da 'm_u rá zi batsi, pe nu sta thogui yá ugui'a, ma da haxama-hai.

23 Y hingue hɔnse nú'_u ya t'ɔt'e bi hyoca Ajuā, nec_u nehe drí tsah_u ya ugui, ne dí gā'tsih_u, pe Ajuā xa 'rac_u ra Māca Ndāhi ngu 'nara seña de ra johya ma ga pe'tsh_u, hangue dí tɔ'mh_u gue nu xcrá 'buh_u ja rá nsunda Ajuā ma da 'ñūdiguih_u gue yá batsiguih_u'a co ma ndo'yoh_u strá nsunda nsi ra nzabi ni ra ugui.

24 Nu ndá mpɔhɔh_u bi t'ac_u ra nthø'mate gue ma ga 'buh_u hab_u xá nsunda. Pe nu'b_u ya dí hanth_u nú'a xa sic_u ga tɔ'mh_u, nu'bú ya hinga mahyoni ga ndø'mh_u ngue'a ya dí hanth_u.

25 Pe nu'b_u dí tø'mh_u nú'a hindí handathoh_u, nu'bú pe'tsi te ga tø'mh_u asta hinga hanth_u.

26 Nehe ra Māca Ndāhi 'b_ui pa da maxcah_u, ngue'a de guecεguih_u otho ma ts'edih_u pa ga tsεth_u. Ngue'a nujá hindí pah_u te ga aph_u Ajuā nixi hanja ga ñah_u con gue'a. Pe ra Māca Ndāhi ri jac_u ga ngá'tsih_u masque hinda za ga mañh_u te ga mañh_u, nu'bú ra Māca Ndāhi ri bantebi Ajuā por guec_u.

27 Y Ajuā nú'a patca ma mfenih_u, pađi nú'a adi ra Māca Ndāhi ngue'a adi ngu nú'a rá māca paha Ajuā y ri bantebi Ajuā pa yá gamfri'a.

Ma ga ntateh_u co rá mfats'i Ajuā

28 Núj_u xa zoncaguih_u Ajuā ngu nú'a xqui beni maya'b_u, ne dí mađih_u'a, dí pađih_u gue nu'á ri supca ma teh_u pa gatho nú'a da 'ñεpcaguih_u go pa ma hñoh_u.

29 Ngue'a Ajuā ya mi pačaguih_u desde ra mađi, hangue nu'á bi huancah_u ne bi hñuxcah_u pa ga 'b_uh_u ngu gra 'm_u rá T'_u, pa njab_u nura T'_u'a dra cu mađa de gathoguih_u dyá cuh_u.

30 Nujá bi hñuxcah_u Ajuā pa ga 'b_uh_u ngu gra 'm_u rá T'_u, y hingue hønsε'a, nehe bi zoc_u pa dá camfrih_u'a. Y hingue hønsε'a, nehe bi xic_u gue ya hinte ma ts'oqui dí tuh_u. Y hingue hønsε'a, nehe ma da zixcaguih_u ja rá nsunda.

31 Nubyá, ya dí pah_u gue Ajuā 'b_ui con guec_u, nu'bú ¿hanja da za to da dačaguih_u? Hinda za.

32 Ajuā bi unga rá 'ra T'_u pa bi du po rá nguec_u. Nu'bú ¿ha gue hinda 'rac_u nehe mahyεgui con gue'a gatho ma'ra te dí hoñh_u?

³³ ¿To'o da za da mambgah_u nú_u yá hmadiguih_u Ajuá? Jo'o, ngue'a Ajuá go gues'e'a xa mā gue ya hinte dí tuh_u.

³⁴ ¿To'o tsa da condenaguih_u? Jo'o, ngue'a ra Zidada Jesucristo go gue'a bi du por guecj_u, y 'mefa bi yopa nte, y nubya bí'b_ui ja rá nsu ja rá 'ñei Ajuá, y ja guehni brí bantebi Ajuá por guecj_u.

³⁵ ¿Nda'a gue'a tsa da 'uegaguih_u de rá hmäte ra Zidada Jesucristo? ¿Ha gue ya ts'othogui, o ya dum_ui, o ya njute, o ra thuhu, o ra 'ñ_uhe, o ra ntsu, o ra du? Hina, ni 'na.

³⁶ Ngu m_unga ra M_uca T'ofu hab_u ena njaua:
Nuje stá camfri'ihe, hangue nzantho t'ebgaguihe
da thoje

ngu 'nara zi d_uti ho ra hyomgø.

³⁷ Pe de gathu nú'a dí thoh_u, xi dí t_ut_ueh_u po nú'a to'o ri m_ucaguih_u.

³⁸ Hangue dí p_uh_u gue jo'o ni 'na to'o da za da 'uegaguih_u de rá hmäte Ajuá, nixi nú'b_u ga tuh_u, nixi núbya dí teh_u, nixi ya εnxε, nixi ya ndá gá εnxε, nixi nú'a jabya mapaya, nixi nú'a ma da nja 'mefa,

³⁹ nixi nú'a ja maña de mahets'i, nixi nú'a ja ri ga'ti de ra ximhai; ni 'na de nú_u xa hyoca Ajuá, hinda za da 'uegaguih_u de rá hmäte'a nú'a p_usc_uah_u ngue'a dí 'nathoh_u co ma zi Hmuh_u ra Jesucristo.

9

Ajuá xa huahna ya me Israel

¹ Nugui, nú'a dí mā, dí m_unga majuani ngu rí 'ñepcagui ngue'a dí camfri ra Zidada Jesucristo. Hangue nú'a ma ga mā hingrá nc'uamba. Nu ja ma mfeni dí p_udi xá hño gue dí m_unga majuani

ngue'a go ra Maça Ndaḥi xicagui gue nú'a dí ma gue'a majuaṇi.

² Xi 'raca 'nara ntsø'mi y nzantho zonga ma mfeni.

³ Nugui, ga nehma gue masque go ga 'mɛdiga de rá thandi ra Zidada Jesucristo, qué pa da mpøhø ma'ra ma mixodyo'be nú'u hinxa gamfritho ra Zidada Jesucristo.

⁴ Nú'ú go gue'u ya me Israel. Ajuḗ bi hñuts'i'u pa dyá batsi'a, ne mi utuabi'u rá maça nsunda'a ja rá ndanija'u, ne bi gohui'u 'raya cohi. Nehe bi umbabi'u ra maça ley, ne bi 'ñutui hanja da xøcambeni'a ja rá nija'u. Nehe Ajuḗ bi ña'tuabi'u ya hñ'a'ti.

⁵ Nuyá xita'u go gue'u ra Abrá ne ra Isaac ne ra Cobo ne yá t'u, y ja nuya ja'i'u ja bi 'ñe bi nja'ini ra Cristo nú'a bá pehna Ajuḗ pa da nda, y nu'á go guesε'a Ajuḗ, y go gue'a rá mɛti gatho nú'a te ja ne 'bui. Drá nsunda'a pa nzantho. Njabu gue'a.

⁶ Pe hiní 'ñepi ga beñhu gue Ajuḗ hinxa cumpli rá noya co ra hnini Israel, ngue'a Ajuḗ xqui ña'tuabi da japi nura hnini'a, pe hingue gatho ya me Israel go gue'u rá hnini Ajuḗ.

⁷ Masque bi 'mui ndunthi yá 'beto yá mbong'beto ra Abrá, pe hingue gatho'u t'øt'a ra uenda gue yá batsi majuaṇi, hønse nú'u yá batsi ra Isaac. Ngue'a ja ra Maça T'ofò ena gue Ajuḗ bi xipabi ra Abrá njaua: "Go dri 'beto yá batsi ra Isaac."

⁸ Nubyá ne da 'ñena gue hingo gatho nuya batsi de rá ji ra Abrá go gue'u yá batsi Ajuḗ, pe hønse nú'u bi 'mui dega hñ'a'ti ngu bi 'mui ra Isaac.

⁹ Guehna ra hñ'a'ti bi ña'tuabi ra Abrá, bi 'ñembabi Ajuḗ: "Rijeya ngubya, ma ga yopa ehe ga

c'a'ts'a'i, ha nura Sara ma da me'tsa 'nará t'u.”

10 Y hingue hõnse ra Isaac bi huahna Ajuá, nehe ra Rebeca bi 'm̩ yoho yá t'u de 'nadra dada, go gue'a ndu ma xitah̩ ra Isaac, y de nú'u yoho ya t'u'u, 'natho bi huahna Ajuá nehe.

11 Y nú'bu hinxqui 'm̩itho nú'u ya t'u ne hinte xqui 'yõt'atho nú'a xá hño o nú'a hinxá hño, Ajuá ya xqui huahna 'na de gue'u, pa njabu da hnequi xá hño gue nu'á huahna ya ja'i hingue po yá 'bɛfi'u pe po nú'a xa beni'a, ngue'a nu'á zohni nú'a to'o go da ne'a.

12 Hangue ante da 'm̩i nú'u yoho ya t'u'u, Ajuá ya xqui 'ñembabi yá naná njaua: “Nura cu mada ma da mɛpi nú'a mbatsi.”

13 Y ja ma'na ra xeni de ra Maça T'ofu ma mahyɛgui hab̩ Ajuá ena njaua: “Dá maɗi ra Cobo ha nura Esaú dá ɛtsa.”

14 Nu'bu ¿xi te ga mañhubya? ¿Ha gue ga eñhu gue Ajuá hingui øt'a ra ts'ɛtbi xá hño? Hina, hinga beñhu njabu.

15 Ngue'a go guesɛ'a pɛ'tsa ra nsequi, hangue bi 'ñemba ra Moise njaua: “Nugui dí huequi nú'a go ga ne ga huequi.”

16 Hangue dí pah̩ gue 'nara ja'i hingui tsɛtua rá hm̩ate Ajuá ngue'a go da nesɛ ra ja'i, nixi ngue'a da 'yõt'asɛ ra ts'edi. Hina, go Ajuá beni seɛ to'o gue'a ma da huequi'a.

17 Nehe ja ra Maça T'ofu xa t'ofu gue Ajuá bi xipabi ra Faraó nú'a mrá ndá Egipto, y bi 'ñena njaua: “Stá hux'a'i pa gui ndá, ngue'a dí ne da hneca ma ts'edi ja gue'i pa da faɗi to'ogui ne tengu ma ts'edi ja gatho ra ximhai.”

18 Hangue ringue'a dí pah_u gue Aju_a ri huequi nú'a go da ne'a y ri japi da necio nú'a go da ne'a.

19 Nu'bú, da ne 'nara ja'i da 'ñengui: “Nu'bú ¿hanja Aju_a ri condena ya ja'i? ¿To'o gue'a xa c'a'tsuabi nú'a rá paha'a?”

20 Pe nugui ga thatuabi'a ne ga embi: “¿To'o'igue pa guí nø'tua Aju_a? 'Nandi gue ra ts'e dega dohmi ma da nø'tuabi nú'a to'o bi hyoqui ne da 'ñemi: ‘¿Pa te xcá hogagui njaua?’

21 Nura hyocatraste tsa da hyoca nú'a go da ne. Nu'á ha ra ts'edi pa da hyoca de 'nadra bøhai 'nara ts'e dega nsu y nu ma'na pa ra 'bæfi hingue dega nsu.”

22 Njab_u nehe Aju_a masque mi ne xa 'ñudi gue ja rá ts'edi'a ne nu'á ri castiga ya ts'o'mæi gá ja'i, pe nu'á desde maya'b_u xa me'tsuabi ndunthi ra pasencia ya ts'o'mæi gá ja'i, pe 'mæfa ma da castiga' u ngu xa beni y ngu nú'a rí 'ñepabi'a.

23 Nu'á bi 'yøt'a njab_u pa bi 'ñudi tengu rá ndangui rá nsunda ja guecj_u, gue'a xi xa mescaguih_u ra nthe cate núj_u to'o xa beni desde maya'b_u ma ga 'buh_u 'nadb_u ja rá nsunda'a.

24 Nu'á xa zoncah_u pa ga 'buh_u con gue'a, masque dyá xodyoh_u o hindyá xodyoh_u.

25 Ra baði Osea bi 'yofo de guehna ja ra Maça T'ofu gue Aju_a bi 'ñena njaua:

Ma ga hu'mbabi gue ma hnini nú' u hingue ma hninih_{ma},
y nú' u hinduí maðih_{ma}, go gue' u ma ga maði.

26 Nu hab_u bi t'embabi ya ja'i njaua: “Nu'ah_u hingo ma hninih_u”,
nuni ja guehni ma da thu'mbabi gue go gue' u yá t' u
Aju_a nú'a te.

27 Nehe ra baḁi Isaía bi ma de ra hnini Israel, y bi 'ñena: “Masque ya me Israel da ndunthi ngu rá ndunthi ra 'bomu ja ra ñanga ndehe, pe husthoho to'o ma da mpøhø de gue'ḁ.

28 Ngue'a Ajuḁ masectho da huata ndunthi de gue'ḁ ngu nú'a xqui 'yε'mbi asta hinda gohi 'na zi tḁitho.”

29 Nehe go guet'a ra Isaía bi 'yofo 'met'o ja ma'na ra xeni de rá t'of'o'a, ne bi 'ñena:

'Bḁ Ajuḁ nú'a ri nda de ya mundo εnxε mahets'i
hinxa huegaguiḁ ne hinxa zogaguiḁ
hmaḁa 'raya ja'i,
nu'bú stá njahḁ ngu bi nja ra hnini Sodoma ne
Gomorra nú'ḁ bi nhuati gatho.

Ya me Israel ne ra maça hoga t'øde

30 Nu'bú dí pahabya gue ya ja'i hinyá me Israel nú'ḁ himbi 'yøt'a ra ts'edi pa da 'mḁi xá hño co Ajuḁ, go gue'ḁ ya 'bḁi xá hño con gue'a, ngue'a ya xa gamfri bi rá noya'a.

31 Pe nuya me Israel mi øt'a ra ts'edi pa da 'yøt'a nú'a maḁa ra ndaxjua ley pa xa 'mḁhma xá hño co Ajuḁ, pe nu'ú himbi za bi 'mḁi xá hño con gue'a.

32 ¿Hanja himbi za bi 'mḁi xá hño? Himbi za ngue'a mi honi da 'mḁi xá hño co Ajuḁ honda po ya 'be fi nú'a maḁa ra ley pe hingue po ra jamfri de ra Zidada Jesucristo. Hangue nu'ú bi hñaxa 'nara mfe'tse ja nú'a xa t'embabi “ra Mfe'tsado.”

33 Ngu ena Ajuḁ ja ra Maça T'of'o:

Dí pegui nuni Sión 'nara do pa da mfe'tsa ya ja'i,
'nara daḁa do nú'a japi da dagui,
pe nu'a tó'o da gamfri'a hinda ma da 'be rá tsa,
ngue'a nú'a xa gamfri gue'a majuani.

10

¹ Zi cuh_u, xi dí ne con gatho ma coraso gue da mpøhø ra hnini Israel, y gue'a dí apabi Aju_a.

² Dí damaju_uni de gue'_u gue xi øt'a ra ts'edi pa da d_eni Aju_a, pe hingui øt'e'_u co ra mfadi.

³ Ngue'a nu'ú hingui tso yá mfeni nú'a xa m_anga Aju_a de hanja da za da 'm_ui xá hño ja rá thandi'a, ne nu'ú ri 'ramanu de gues'e'_u pa da 'm_ui xá hño hmaha ja rá thandi'a, hangue nu'ú f_e'tsuabi nú'a m_a Aju_a.

⁴ Ngue'a pa nú'_u to'o camfri ra Zidada Jesucristo ya hinte ri muui ra ndaxjua ley pa da za da 'm_ui xá hño ja rá thandi Aju_a.

⁵ Ra Moise bi m_a de nú'_u to'o da d_em_aba ra ndaxjua ley pa da 'm_ui xá hño ja rá thandi Aju_a, ne bi 'ñena gue nu'a tó'o da 'yøt'e gatho ngu nú'a m_anga ra ley, go gue'a da z_udi ra te ngue'a xa 'yøt'e gatho ngu ri manda.

⁶ Pe nu'a tó'o da gamfri ra Zidada Jesucristo pa da 'm_ui xá hño ja rá thandi Aju_a, ja ra M_aca T'of_o m_anga njaua: “Oxqui bensehe njaua ja ri coraso ne gui 'ñena: ¿To'o da za da bøxa ja mahets'i? —nuna guehna pa da tsincah_u ra Zidada Jesucristo.

⁷ Nixi oxqui bensehe njaua ja ri coraso gui 'ñena: ¿To'o da za da gai asta hab_u bí 'b_u nú'_u xa du?” —nuna guehna pa da yopa tsi ra Zidada Jesucristo de ja ya du.

⁸ Nu'a xá hño gui beni, ngu nú'a m_anga ra M_aca T'of_o ne ena: “Ya xcá 'yøde nú'a xa m_anga Aju_a, y nú'a xa mañ'a xa zo ja ri mfeni, y nu'a go gue'a ya xcá m_a.” Njab_u m_anga ra M_aca T'of_o. Y nú'a

xa m̄anga Ajūa go guehna ra noya dega jamfri dí mañh̄u, ne ena njaua:

⁹ Nu'b̄u gui m̄a gue ra zi Hmu Jesu go gue'a ri Hmu, ne 'b̄u gui camfri ja ri coraso gue Ajūa ra Dada bi 'yøt'e pa bi yopa nte'a de ra du, nu'b̄u ma gui mpøhø.

¹⁰ Ngue'a nu'b̄u ga camfrih̄u ja ma corasoh̄u, nu'b̄u Ajūa ma da m̄a gue ya hinte ma ts'oqui dí tuh̄u, y nu'b̄u ga mañh̄u gue dí camfrih̄u ra zi Hmu Jesucristo, nu'b̄u ga mpøhøh̄u.

¹¹ Ngue'a enga ja ra Maça T'ofu njaua: “Nu'a tó'o da gamfri'a hinda ma da 'b̄e rá tsa, ngue'a nú'a camfri gue'a majuañi.”

¹² Ra Maça T'ofu bi 'ñena gue nu'a tó'o da ne da gamfri, dá gamfri, ngue'a otho ni 'nara nthahni dega xodyo ni nú'u hingyá xodyo, ngue'a ra Zidada go gue'a ra Zidada pa gatho, nehe ra memati'a pa gatho nuto da hyomba rá mfats'i'a.

¹³ Ngue'a ra Maça T'ofu ena gue gatho nuto da 'yapa ra Zidada da mpøhø, da pøhø'a.

¹⁴ Pe ¿hanja da za da 'yapabi 'na gue da pøhø 'b̄u hingui camfri gue 'b̄u? Y ¿hanja da za da gamfri 'b̄u hinxa 'yøde de gue'a? Y ¿hanja da 'yøde 'b̄u jo'o to'o da xipabi?

¹⁵ Y ¿hanja da za to'o da ma da m̄amba rá noya Ajūa 'b̄u hinto xa mehni? Y ya xa 'behni nú'u to'o m̄amba rá noya Ajūa, ngue'a enga ja ra Maça T'ofu: “¡Hangu ra johya dí p̄e'tsh̄u ngue'a xa zøhø nú'u to'o bra hñ̄a 'nara hoga t'øde gue gatho ma da 'm̄u te rá 'ñentho!”

¹⁶ Pe hingue gatho ya ja'i xa ne xa 'yøde ra maça hoga t'øde. Ngu xqui m̄anga ra bađi Isaía maya'b̄u,

ne bi 'ñena: “Zi Hmu, hinxa ne to xa gamfri numa noyah_u.”

¹⁷ Hangu pa da za da gamfri 'na, mahyoni da 'yøde 'na, y mahyoni dra hm_a de ra Zidada Jesucristo pa njab_u da nt'øde de gue'a.

¹⁸ Pe dí ena: ¿Ha gue hinxa 'yøde'u? ¡Haha, xi majuani ya xa 'yøde'u! Ngue'a enga ja ra Maça T'ofó:

Gatho ja ra ximhai xa nt'øde yá noya'u.

Haha gatho maxøgue ra ximhai xa njab_u.

¹⁹ Ma'na'qui dí m_a: ¿Ha gue himbi unga nguenda ya me Israel? Haha, bi unga nguenda, ngue'a ra Moise bi m_a rá mudi gue Aju_a bi 'ñena:

Nugui ma ga japi nú'u ya ja'i hingo ma hnini hm_a,
y nu'ah_u ma da zøt'a ri m_uih_u por gue'a.

Por nuya japi ma ga umba ya 'ñamfadi gá ja'i,
nu'ah_u ma da bø ri cu_u.

²⁰ Nep_u ra badi Isaí_a himbi ntsu bi m_a gue Aju_a bi 'ñena njaua:

Nu'u himi hongagui go gue'u bi zucagui,

ha nu'u himri 'ñanigui dá ma dá tsudiga'u.

²¹ Nehe bi 'ñena de ya me Israel gue Aju_a bi 'ñena njaua: “Nugui hindá tsaya dá zofo nuya ja'i pa xa ñobrihma, pe nu'ú himbi ne bi 'yøde ngue'a xi ya ts'o'yøde ne ya nøt'e.”

11

Aju_a bi huahna 'raya me Israel hangu nu'ú bi mpøhø

¹ Nu'b_u, ¿ha gue ga beñ_u gue Aju_a xa hyep_u rá hnini? ¡Hina, hinhya'm_u! Ngue'a nequi drá me Israel stí 'ñehe de yá ja'i ra Benjami de rá ji ra Abrá.

2 Ajuḗ hinxa zogui rá hnini nú'a bi 'ñembi gue go rá hnini'a de rá mudi. ¿Ha gue hinguí paḥa te mḗnga ra Maça T'ofu haba ma de ra Elía, gue nu'a mi manbabi ra hnini de Israel co Ajuḗ? Ne bi 'ñena njaua:

3 “Ma zi Hmu'i, nuna hniniḗ xa hyop'a'i gatho ri 'mehni, ne xa huata gatho ri ata. Y de gatho nú'u to'o mi camfri'i hõnsegui dí pongui, y nu'ú xi honi hanja da hyogaguihma.”

4 Nu'bu Ajuḗ bi datuabi njaua: “Dí pe'tsitho yoto 'mo ya 'ñõhõ pa da nsundagui, nú'u hinxa ndandiñahmu ja rá thandi ra c'oi Baal.”

5 Nehe njabu nuya pabya xa gohi hõnse 'na zi tui ya me Israel nú'u xa huahna Ajuḗ co rá hñõja'i.

6 Y 'bu bi huahni co rá hñõja'i, nu'bu hingue po yá 'bëfi øt'e'u. 'Bu di gue'a dega 'bëfi hma, nu'bu Ajuḗ hindi øt'e co rá hñõja'i.

7 Xibya ¿te ga beñha de nú'a thogui ya me Israel? Nu'u ya me Israel mi ndunthi, himbi zudi hanja da za da 'múi xá hñõ co Ajuḗ, pe nu'u 'na tui xqui thahni, nu'ú ha, bi za bi 'múi xá hñõ ja rá thandi Ajuḗ. Y nu'u ya me Israel mi ndunthi, bi meguibi yá mfeni, y himbi ne bi gamfri nú'a bi mḗnga Ajuḗ.

8 Ngu xa nt'ofu ja ra Maça T'ofu: “Ajuḗ bi japi'u bi mpumfri, bi japi bi ngoda pa hinda hyandi, nehe bi japi bi ngogu pa hinda 'yõde asta mapaya.”

9 Y ra Davi bi ma de ya japi xqui t'umba ya me Israel, bi t'ents'ua ra 'ñu ne bi 'ñena njaua:

Nuyá mexa da 'bø'tsuabi gue'a da ngu 'nara xit'a
ne 'nara trampa haba da zo'u,

y ja da japini da gut'i nú'a tu'u.

10 Dá njot'a yá da'u pa hinda hyandi,

y dá ndoqui nzantho co yá 'bats'i ri du.

Ajuá hinxá 'mɛdi pa nzantho nurá hmáte co ya xodyo, hangue nú'ɥ hingyá xodyo rí 'ñepi da su yá jamfri

¹¹ Nu'bú, xi nú'ú, ¿ha gue xa 'bɛtuabi rá hmáte Ajuá pa nzantho po yá 'ñajamfri? ¡Hina, hinhya'ma! Pe po yá nts'o'yøde'ɥ bi zɥ ra mpøhø gatho ma'ra ya hnini, pa njabɥ da nuhu yá mfeni ya me Israel pa da yopa hñani'ɥ ra japi ngu nú'a xa hñanga ma'ra ya hnini hingyá xodyo.

¹² Ya gue po rá nts'o'yøde ra hnini Israel bi nja ra hño pa gatho ya meximhai, ne bi nja 'nara danga japi pa nu ma'ra ya hnini hingyá xodyo, nu'bú jtengu hma ra japi da hñanga nú'ɥ hingyá xodyo nú'a ra pa ya xodyo da gamfri Ajuá!

¹³ Nú'ahɥ hingyá xodyohɥ, ja'a dí ne ga xi'ahɥ. Ajuá bi hñuxcagui dega apostol pa gue'ahɥ nú'ahɥ hingyá xodyohɥ, hangue dí e'tsua rá nsu ma 'bɛfi

¹⁴ pa xahma da za ga nupa yá mfeni 'ra de nú'ɥ ma mixodyo'be da ne da hñanga nehe nú'a ra japi xcá hañhɥ, ne da mpøhø'ɥ.

¹⁵ Ya gue Ajuá bi hyɛpɥ ya xodyo ne go bi japi gatho ya meximhai ngue'a bi 'yøt'e pa bi za bi 'mai xá hño con gue'a, nu'bú jtengu ra japi ma da umbabi'ɥ nu sta yopa munts'a ya xodyo ma'na'qui! Ne nura japi'a go gue'a 'nara 'ra'yo te.

¹⁶ Nu'bɥ Ajuá bi huahna ya maɛdi xita de ra hnini Israel pa dyá mɛti'a, nu'bú gatho ra hnini Israel go rá mɛtitho Ajuá, nja ngu 'nara 'bai gá za, 'bɥ Ajuá ri japa yá 'yɥ, nehe yá 'yɛza njapi, y nehe nja ngu ya hme, 'bɥ ra maɛdi hme njapi, nu'bú gatho ra bola jɥni njapi.

17 Ngu 'nara 'bai gá hoga olivo da ts'εcua 'nará 'yεza ne da cueta 'nará 'yεza ra mbanga olivo pa nu'á da zipa rá ngui rá 'y_u nú'a ra hoga olivo, njab_u nehe 'raya xodyo bri t'εque de Ajuá ne nú'ah_u hingyá xodyoh_u go xra hmunts'a'ih_u pa dyá hnini'ih_u Ajuá nehe, ne xcá hñānih_u yá japi Ajuá.

18 Masque'a oxqui ndanguih_u de ya xodyo, ngue'a guí padih_u gue hingo ya 'yεza ri umba ra te yá 'y_u ra za, nuya 'y_u go gue'u ri umba ra te ya 'yεza.

19 Nu'ah_u ma gui 'ñenah_u: “Ya 'yεza bri ts'εqui pa bi za bri juetcah_u.”

20 Majuani, bri t'εque'u, pe bri t'εque ngue'a himbi ne bi gamfri'u. Ha nu'ah_u ya rá hnini'ih_u Ajuá ngue'a guí camfrih_u. Hangué oxqui ndanguih_u. Nu'a guí 'yøth_u, tsuh_u Ajuá.

21 Nu'b_u Ajuá xa castiga ya xodyo nú'u to'o ngu ya 'yεza hingá njuete, nehe nú'ah_u hingyá xodyoh_u y guí njah_u ngu ya 'yεza xa njuete, da za da castiga'ih_u nehe.

22 Hangué dá zo ri mfenih_u nú'a bi 'yøt'e Ajuá, njab_u ngu ra hoja'i, njab_u ra zute nehe. Bi nhyoja'i con gue'ah_u, ha nu'u ya xodyo bi nts'o'yøde, bi 'ueque'u. Hangué nu'a mahyoni guí 'yøth_u, sigui guí 'buh_u ja rá hñoja'i, ngue'a nu'b_u hina, da 'uec'a'ih_u nehe.

23 Y nehe nuya xodyo nu'b_u hinda sigui yá 'ñajamfri, nu'bá dra yopa cuete ja ra 'bai gá olivo hab_u mi tøgue'u, ngue'a Ajuá ja rá ts'εdi pa da yopa cuete'u.

24 Ngue'a 'b_u nú'ah_u hingyá xodyoh_u ngu gyá 'yεzah_u de 'nara mbanga olivo, xa ts'εc'ah_u de ri

'baih_u, y bi za bri juet'ah_u ja ra hoga olivo masque nu'ah_u grá mbanga olivoh_u, ¡xihmá ya xodyo gue go gue'ü ya 'yεza yá mεti ra hoga 'bai gá olivo, ma'na da za da ncuete ma'na'qui ja rá 'bai!

Rá ngats'i ma da mpøhø ra hnini de Israel

²⁵ Zi cuh_u, dí ne gui pādih_u nuna mfadi xqui nt'agui hmah_u. Dí ne gui pādih_u pa hingui beñh_u gue hønsε'ih_u xa huahn'ah_u Ajuá. Pah_u gue masque Ajuá xa japi xa megui yá mfeni ndunthi ya me Israel, pe 'ra de gue'ü xa mε'tsitho ja rá hnini'a. Pe hingue pa nzantho ma da megui yá mfeni, hønsε asta hinda zøxa ra 'bede de nuya ja'i hingyá xodyo nú'ü ma da mpøhø.

²⁶ Nep_u de gue'a gatho ya me Israel ma da mpøhø. Ma da nja ngu xa t'ofø ja ra Maça T'ofø ne ena:

Nuni Sión nú'a rá hnini Ajuá ja ma drí 'ñehni ra Ñante
nú'a ma da xcuabi yá ts'ot'øt'e ya me Israel nú'ü
yá ja'i ra Cobo.

²⁷ Y nu xcrá xcuabi yá ts'oqui'ü,
ya stá cumpli ma cohi nú'a stá cohi con gue'ü.

²⁸ Pa da za da ntunga ra maça hoga t'øde ja ma'ra ya hnini ngu xa beni Ajuá, nu'á xa hyanda ya xodyo ngu yá ncontra'a, pa go da jap'a'ih_u nú'ah_u hingyá xodyoh_u. Pe Ajuá maditho ya xodyo po rá ngue yá xita'ü nú'ü bi huahni'a.

²⁹ Ajuá hingui pata rá mfeni. Nú'a da uni, hinda ma da hñáqui, ne hinda ma da hyεp_u nú'ü to'o xa huahni'a.

³⁰ Nú'ah_u hingyá xodyoh_u hingüí camfrihmah_u Ajuá, pe nubyá co rá nthecate Ajuá bi jap'a'ih_u

ngue'a ya xodyo himbi ne bi gamfri ra zi Hmu Jesucristo.

³¹ Nubyá nuya xodyo bi 'ñagamfri, pe bi njab_u pa 'mefa, co rá nthe cate Ajuá da jap'i_u ngu bi jap'a'ih_u.

³² Njab_u Ajuá bi zotho gatho co yá 'ñajamfri, gue dya xodyo gue hindya xodyo, pa 'mefa da huequi' _u mahyεgui.

³³ Xi ra dangui rá mfadi Ajuá, ngue'a pa_{di} gatho nú'a t'øt'e, y pa_{di} hanja da 'yøt'e gatho nú'a go da ne! Hinda za to da ba_{di} gatho nú'a te beni Ajuá, ne hinda za to da ba_{di} hanja øt'e nú' _u ya danga 'bεfi øt'e'a.

³⁴ “¿To'o gue'a pa_{tuabi} rá mfeni Ajuá? y ¿to'o gue'a xa 'yo'mbabi rá 'ñu'a?

³⁵ Y ¿to'o 'mæt'o xa nja te xa umbabi Ajuá, pa njab_u Ajuá da co'tsuabi'a?”

³⁶ Nguetho go guesε'a bi hoqui gatho nú'a te ja, y gatho o ja rá 'yε'a, y gatho' _u pa rá nsunda'a. Y nu'á drá nsunda pa nzan_{tho}. Njab_u gue'a.

12

Ga umf_u Ajuá gatho ma teh_u pa ga pεph_u ngu ne'a

¹ Nubyá, ma zi cu'ih_u, xcá hyanth_u rá ndangui rá nthe cate Ajuá xa 'yøtca_u. Hangue dí bante'ih_u gue gui daph_u Ajuá gatho ri teh_u. Gue'a 'nara hñá'ti strá nt'axi ngu nú'a ri ho'a, ngue'a nu'b_u guí øth_u njab_u, guí xøcambenih_u Ajuá co ri corasoh_u.

² Oxqui tenbah_u yá 'm_ui nú' _u ya ja'i 'yo ja ra ts'oqui. Nu'a guí 'yøth_u, tenda ri 'ra'yo mfenih_u pa njab_u xi guí 'bah_u 'nara 'ra'yo 'm_ui, y 'b_u guí

njahub_u ma gui patuah_u nda'a rá paha Aju_u gui 'y_oth_u, y nú'a rá paha'a gue'a nú'a gui 'y_oth_u nú'a xá hño ne nú'a ri ho'a, ne gui 'b_uh_u xá hño ja rá thandi'a.

³ Aju_u xa 'racagui nuna ra nsu dega apostol po rá hñoja'i, hangue ma ga xi'ah_u nda'a rí 'ñepi gui 'y_oth_u. Oxqui ma gui beñ_u gue gyá danguih_u y masque hina. Benih_u xá hño ne hyandas_uh_u hangu rá ndunthi ri jamfrih_u nú'a xa 'ra'ah_u Aju_u cada 'na de gue'ah_u.

⁴ Ngue'a nja ngu ma ndo'yoh_u dí p_e'tsh_u ndunthi ya xeni pe gatho ya xeni hingue 'nada yá 'b_efi p_efi.

⁵ Njab_u nehe masque dí ndunthih_u, pe dí 'nada ra ndo'yoh_u co ra Zidada Jesucristo, y gatho núj_u ngu dyá xeni_u de 'nada ra ndo'yo.

⁶ Ne 'rama'na'ño ya mfadi ne ra ts'edi xa 'racaguih_u Aju_u po rá hñoja'i'a pa ga p_efi_u nú'a ra 'b_efi xa 'racaguih_u. 'B_u 'nara cu xa t'umbabi 'nara ts'edi pa da manba rá noya Aju_u, dá mañ'a ngu rá ndunthi ra jamfri p_e'tsi'a.

⁷ Nu'a tó'o xa t'umba ra ts'edi pa da mfaste, dá mfaste. Ha nu'a tó'o xa t'umba ra ts'edi pa da nxahnate, dá nxahnate.

⁸ Nu'a tó'o xa t'umba ra mfadi pa da unga ra ts'of_o, dá nzote'a, ha nu'a tó'o xa t'umba ra ts'edi pa da unga 'nara mfats'i, dá uni con gatho rá m_ui. Nu'a tó'o xa t'umba ra ts'edi pa da nda, dá nda con gatho rá mfeni, ha nu'a tó'o xa t'umba ra ts'edi pa da mats'i nú' u to'o othobi, dá mats'i con gatho rá m_ui.

Nú'a rí 'ñepi da m_efi ra gamfri

9 Dá nja ri hm̄ateh̄ pa gatho ya ja'i, pe hingue de maxøts'etho. Ũtsah̄ nú'a xá nts'o, y t̄enh̄ nú'a xá h̄ño.

10 Mádi h̄ 'na ngu 'na co ra hm̄ate nú'a xa 'ra'ah̄ Ajuá ngue'a gyá cuh̄, ne 'ñumbah̄ ra t'equ'ei 'na ngu ma'na.

11 'Yøth̄ ri 'b̄efih̄ con gatho ri ts'edi h̄. Ostí ma da z̄ah̄ ra ndah̄ñei. P̄epabih̄ ma Zidadah̄ ra Jesucristo con gatho ri m̄ih̄.

12 Johyah̄ ngue'a guí t̄ø'mh̄ ma gui 'b̄uh̄ ja rá nsunda Ajuá. Tseth̄ gatho ya ts'othogui, ne oguí tsayah̄ gui 'yaph̄ Ajuá.

13 Faxh̄ ya cu nú' h̄ hingui ts̄upi, ne umf̄ ntsaya nú' to'o tsøñ'a'ih̄.

14 'Yaph̄ Ajuá da mats'i nú' to'o ø't'ah̄ ra nts'o'm̄ai, oxqui tsañh̄'.

15 Johyah̄ co nú' to'o ri johya, ne nzonih̄ co nú' to'o zoni.

16 'B̄uh̄ mahȳegui co 'nadra hm̄ate, oxqui 'ñets'ih̄ nixi gui 'uegueh̄ de ya zi hyoya cu. 'Yoh̄ mahȳegui con gue'.

Oxqui beñh̄ de ri mfe-niseh̄ gue gyá bamhȳah̄.

17 Oxqui ø'tuah̄ ra nts'o'm̄ai nú'a to'o da 'yø't'ah̄ ra nts'o'm̄ai. Nu'a gui 'yøth̄, gui jama-suh̄ gui 'yoh̄ xá h̄ño ja yá thandi gatho ya ja'i.

18 'Yøth̄ 'nara ts'edi asta hab̄ da za pa gui 'bah̄ 'nara hoga'm̄ai con gatho ya ja'i.

19 Ma zi hm̄adi cu'ih̄, oxqui co'tsuah̄ nú'a da 'yø't'ah̄ ya ts'o'm̄ai, tsocuathoh̄ Ajuá, ngue'a Ajuá mā ja ra M̄aca T'ofa ne ena: “Nugui h̄øns̄egui tsa ga co'tsuabi nú' to'o ø't'a ra nts'o'm̄ai, nugui go ga unga ra njut'i.”

20 Nehe ena njaua: “Nu'b_u ri ncontra ts_u ra thuhu, umbabi te da zi, ha nu'b_u ts_u ra nduthe, umba ra dehe da zi. Nu'b_u gui 'yøt'e njab_u, nu'bú nu'á da ntsø'mi ndunthi.”

21 Oxqui hoñ_u hanja gui 'yøth_u 'nara 'ñ_u. Gatho nú'a to'o da 'yøt'ah_u 'nara 'ñ_u, co'tsuabi co 'nara hño, y njab_u ma gui ntateh_u de ra 'ñ_u.

13

1 Gatho ya ja'i rí 'ñepi da 'yøte nú'u to'o h_a ra ts'utbi, ngue'a go Aju_a xa hñuxa gatho ya ts'utbi ja ra ximhai. Nehe go gue'a xa hñuts'i nú'u to'o h_a ra ts'utbi.

2 Hangue nu'u tó'o nø'tua ra ts'utbi, go gue'u nø'tua nú'a xa manda Aju_a nehe. Y nu'u tó'o nø'tua ra ts'utbi, go honse ra castigo.

3 Ya nd_a hinxa thuts'i pa da zu nú'u to'o øt'e xá hño, nu'ú xa thuts'i pa da zu nú'u to'o hingui øt'e xá hño. Hangue nu'b_u hinguí neh_u te da xi'ah_u nú'u to'o h_a ra ts'utbi, nu'bú 'yøth_u gatho nú'a xá hño, y njab_u nu'ú da ñamañho de gue'ah_u.

4 Nu'ú go gue'u yá 'bego Aju_a pa ri hño_u. Pe 'b_u gui 'yøth_u nú'a hingui ho, rí 'ñepi gui tsuh_u, ngue'a nu'ú h_a ra ts'edi pa da castiga'ih_u, ngue'a Aju_a go gue'a xa hñuts'i' u pa da castiga gatho nú'u to'o hingui øt'e xá hño.

5 Hangue mathoni gui 'yøteh_u, ne hingue hønse pa hinda castiga'ih_u, nehe pa gui 'yøteh_u nú'a xi'ah_u ri mfenih_u.

6 Hangue nehe dí juth_u ya njut'i ja ra gobierhnu, ngue'a nu to'o h_a ra ts'utbi go yá mēfi Aju_a, ne nu'ú xi ri 'ramanu da mēfi nuna 'befina.

7 Ju'tuabih_u gatho nú'u to'o guí tuph_u. Jut'a ri cotah_u, jut'a ri rentah_u. Nu'u tó'o rí 'ñepi gui umf_u ra t'equ'e*i*, umf_u, ha nu'u tó'o rí 'ñepi gui numansuh_u, numansuh_u.

8 Oto guí tuph_u ni 'nara thai, hønse*ε* gui beñh_u gue rí 'ñepi gui mádi*h* 'na ngu ma'na, ngue'a nu'a tó'o ma*đ*i rá miqu'e*i*ui ya bi cumpli ra ley.

9 Nu'ah_u guí pah_u ya hmanda nú'u mangan ra ley ne ena: “Oxqui ntsinga medinthati, oxqui hñote, oxqui mpe, oxqui ja'tsua ya nc'uamba ri miqu'e*i*ui, oxqui hyøcua nú'a pe'tsa ri miqu'e*i*ui.” Pe nuya ya hmandaya ne nú'u ma'ra ya hmanda, gue'a mahye*ε*gui nú'a ra hmanda ena: “Ma*đ*i ri miqu'e*i*ui ne su ngu grí nsu se*ε*.”

10 Ngue'a nu'a tó'o pe'tsa ra hmate, hingui ø'tua ra nts'o'm*ai* rá miqu'e*i*ui, hangue nu'a tó'o pe'tsa ra hmate go gue'a ri cumpli ra ley.

11 De dí øth_u gatho núya ngu dí xi'ah_u, ga beñh_u de nuya ya pa dí 'buh_u ne ga japh_u da nu ma mfenih_u, ngue'a ma Zidadah_u ya ma'na 'b*ai* guetb_u de nú'a ndá camfrih_u pa e da ñangaguih_u de nuya ts'othogui dí thoh_uua ja ra ximhai.

12 Ya 'yo rí thogui ra 'bexuui, 'yo rí møca ra xudi. Hangue mathoni ga tsoguih_u ya ts'o'b*efi* dega 'betsa ngu nú'u øt'a ya ja'i dega xuui. Ya ga hñoc*ju* pa ga øth_u ya hoga 'b*efi* dega pa, ngu ri hñoca 'nara soldado pa da ma ja ra tuhni.

13 Ga 'yoh_u ngu rí 'ñehe ngu nú'u 'yo dega pa, hinga maha hab_u ja ya ngo dega tixfani, nixi ga ntixfanih_u. Hinga hñuxh_u co nú'u to'o hingue xi ma 'behñah_u, nixi ga 'yoh_u ja ma'ra ya ts'ot'øt'e. Hinga 'ñøt'atuhnih_u, y nixi ga ne ga nscheh_u.

14 Nu'a ga øth_u ha, ma ga honbah_u rá mfats'i ra Zidada Jesucristo pa ga 'yoh_u ngu bi 'ño'a, y hinga hoñh_u hanja ga øth_u yá hne ma ndaxjua 'm_uih_u.

14

Hinda za to da nøni yá cu

¹ Umf_u nsequi da 'm_ui ja ri nijah_u nú'a to'o otho ndunthi rá jamfri, pe hingue pa gui ntsanoyah_u con gue'a de nú'u ya mfeni xa g_u.

² Ngue'a 'ra camfri gue tsa da zi gatho nú'a ja te da ts'i; ha nu'u ma'ra tó'o otho ndunthi yá jamfri hingui ne da zi nu'araza, hønse ya zi c'ani.

³ Nu'a tó'o tsi gatho nú'a te ts'i, odi utsa nú'a to'o hingui tsi. Ha nu'a tó'o hingui tsi gatho nú'a te ts'i, odi 'yø de nú'a to'o tsi, ngue'a nu Aju_a bi 'yøt'a rá b_atsi nu mi camfri'a.

⁴ ¿To'o'ih_u pa guí 'yøbih_u rá 'bego ma'na ra ja'i? ¿Ha hinguí pah_u gue nurá hmu nú'a ra 'bego'a go gue'a da mā ua 'yo xá hño ua hina? Y njab_utho nehe nuya cu'u, go guesε Aju_a ma da mā ua xá hño o hingui ho nú'a øt'e'u, hangue nu'ú ma da 'm_ui xá hño ja rá thandi Aju_a ngue'a go guesε'a ja rá ts'edi pa da mats'i'u.

⁵ 'Ra camfri gue mathoni da thahna 'raya pa pa dra søcambeni Aju_a, ha nu ma'ra camfri gue gatho ya pa rí 'ñepi da thandi mahyεgui. Cada 'na rí 'ñepi da ba_udi xá hño de nú'a te beni.

⁶ Nu'u tó'o ri jamasu de ra pa, øt'e njab_u pa da ho ra Zidada, ha nu'u tó'o hini jamasu de ra pa, nehe øt'e njab_u pa da ho ra Zidada. Y nu'u tó'o tsi gatho nú'a te ts'i, nu'ú tsi pa rá nsunda Aju_a, ngue'a ri umba njama_udi Aju_a. Ha nu'u hingui tsi

gatho nú'a te ts'i, nu'ú øt'e'u pa rá nsunda Ajuá, y umba njamádi Ajuá nehe.

⁷ Ngue'a ni 'na de guecj_u hindí teh_u pa ga øth_u nú'a go ga nesh_u, y nu xcrá tuh_u, hingo nú'a ra ora go ga huansh_u.

⁸ Ngue'a nu'b_u dí teh_u dí oh_u ja rá 'yε ra Zidada ne dí 'b_u pa rá nsunda'a, y nu'b_u ga tuh_u guet'atho dí oh_u ja rá 'yε ne dí 'b_u pa rá nsunda'a. Hangue nuj_u, nzantho dí oh_u ja rá 'yε gue gra teh_u gue hina.

⁹ Ngue'a pa guehna bi du ra Zidada Jesucristo y bi yopa nte pa bi Hmu de nú'u te y de nú'u xa du.

¹⁰ Hangue nu'ah_u ¿pa te guí 'yø ri cuh_u? O ¿pa te guí utsah_u ri cuh_u? Ngue'a nu xcrá tuh_u gathoguih_u ma ga 'baih_u ja rá thandi ra Zidada pa go da hñabgah_u nguenda'a.

¹¹ Ngue'a ma da njab_u ngu xa t'ofu ja ra Maça T'ofu ne ena:

Nugui drá Ajuá dí te, hangue ma da njab_u nú'a ma ga mā nubya, gue gatho ya ja'i ma da ndandiñahmu ja ma thandi,

ne da xøcambenigui.

¹² Hangue cada 'na de guecs_u ma ga daph_u nguenda Ajuá.

Ga nsuseh_u pa hinga japh_u ma cuh_u da 'yøt'a 'nara ts'oqui

¹³ Hangue hinga 'ñøh_u 'na ngu ma'na. Nu'a ga øth_u hā, ma ga nsuseh_u pa hinga japh_u ma cuh_u da 'yøt'a 'nara ts'oqui.

¹⁴ Nugui dí padi xá hño gue gatho nú'a ja da ts'i hinxá nts'o, gue'a njab_u xa 'ñutcgui ra Zidada

Jesucristo. Pe nu'a tó'o beni gue xá nts'o 'nara t'øt'e nú'a ts'i, pa nú'a to'o beni njab_u ha, xá nts'o.

15 Hangué nu'b_u guí tsi 'nara t'øt'e nú'a beni'a ri cu gue hingui ho da ts'i, y njab_u da du rá m_ui, nu'b_u nu'i ya hinguí 'yo co ra hm_ute. Oxqui tsi 'nara t'øt'e nú'a da japi da 'm_uedi ma'na, ngue'a nehe po rá ngue'a bi du ra Zidada Jesucristo.

16 Hangué oguí honi pa hanja da hñ_uama'ñ_u'i, masque nu'i guí beni gue xá hño nú'a guí øt'e.

17 Núj_u dí 'b_uh_u ja rá hm_uanda Aju_u, hingui oda ma mfenih_u ya hñ_uuni nixi ya ts'ithe. Nu'a oda ma mfenih_u, nú'a ga 'yoh_u xá hño, ne ga 'b_uh_u te rá entho, ne ga johyah_u co nú'a ra johya ri 'racaguih_u ra Maça Nda_uhi.

18 Y nu'a tó'o p_upa ra Zidada Jesucristo co nuya hoga 'b_ufiya, Aju_u ri ho'a. Nehe ya ja'i ma da hyandi gue 'yo xá hño'a.

19 Hangué ga øth_u nú'a faxcaguih_u pa ga 'b_uh_u 'nara hoga'm_ui 'na ngu ma'na, ne pa ga ntetua jamfrih_u 'na ngu ma'na.

20 Oxqui ts'ocua rá 'b_ufi Aju_u por nú'a te gui tsi. Xi maju_uni gatho nú'a te ts'i xá nt'axi, pe hingui ho gui tsi nú'a gui japi da nts'oca ri cu.

21 Xá hño hingui tsi ra ngø, nixi gui tsi ra vinu, nixi gui 'yøt'a ni 'nara t'øt'e nú'a gui japi da ts'ocua rá mfeni ri cu pa da zo ja ra ts'oqui o pa da ts'ocua rá jamfri.

22 Nu'b_u guí camfri da za gui tsi gatho nú'a te ts'i, nu'b_u z_u ri jamfri guí p_u'tsi ne p_useui Aju_u. Nu'a tó'o beni gue xá hño nú'a øt'e, ne 'm_uefa hinda ma da duh_u de nú'a xa 'yøt'e, go gue'a njapi ngue'a padi gue xa 'yøt'e xá hño.

23 Pe nu'a tó'o ri dũhũ de nú'a te tsi, nú'á tu ra thai, ngue'a hingui tsi co rá jamfri, y gatho nú'a dí øthũ ne 'bũ dí camfrihũ gue hinxá hño, gue'a 'nara ts'oqui.

15

'Yøthũ nú'a da ho ri miqu'eihũ

1 Nújũ dí zedihũ ja ma jamfrihũ, rí 'ñepi ga pahũ hanja ga tsetuahũ ya mfeni xa gũ nú'ũ ts'ũtho yá jamfri, y hinga øthũ nú'a go dí nesehũ.

2 Cada 'na de guecjũ ga øthũ nú'a da ho ma miqu'eihũ pa yá hño'ũ ne pa da te yá jamfri.

3 Ngue'a nehe sehε ra Zidada Jesucristo himbi 'yøt'e nú'a go rá paha sehε. Nu'á bi zetuatho yá 'mũi nú'ũ to'o mi ʉtsa'a, ngu engá ja ra M̄aca T'ofó habũ bi sipa Ajuã ne ena: “Stá tsetuatho yá nt'ʉtsate nú'ũ to'o ri ʉtsa'i.”

4 Ngue'a gatho nú'a bi t'ofó maya'bũ ja ra M̄aca T'ofó, bi t'ofó pa ma nt'utuategũ, pa njabũ ngu nú'ũ bi zeta maya'bũ y ngu bi thu'mba yá mũi'ũ, njabũ ma da thubga ma mũihũ nehe pa ma'na da ndangui ma nthø'mategũ.

5 Nubyá nu Ajuã to'o faxcahũ pa ga ntsetuahũ ne 'racjũ ra humũi, dá 'yøt'e pa gui 'bũhũ co 'nada ra mfeni ngu bi 'ñutcahũ ma zi Hmuhũ ra Jesucristo,

6 pa njabũ co 'nadra mfeni ne 'nadra jahña gui nsundahũ Ajuã ra Dada nurá Dada ma Zi Hmuhũ ra Jesucristo.

Bi sipabi ra m̄aca hoga t'øde nú'ũ hingyá xodyo

7 Hangue numahño hũ 'na ngu ma'na, ngu bi núgaguihũ ra Zidada Jesucristo pa rá nsunda Ajuã.

⁸ Dí ma gue ra Zidada Jesucristo bi 'ñe bi mεpabi ya xodyo pa bi cumpli yá hñá'ti Ajuá nú'ε xqui ñá'tuabi ndu yá xita'ε, y njabε ra Zidada Jesu bi 'ñudi gue Ajuá øt'a gatho ngu nú'a ma.

⁹ Nehe bi 'ñehe pa ya ja'i hingyá xodyo da nsunda Ajuá po rá nthecate, ngu xa t'ofu ja ra Maça T'ofu ne ena:

Ja ya ja'i hingyá xodyo nugui ma ga mąnga tengu rá ndąngui ri thuhu,
y ja ga tu't'a'ini ya jahña.

¹⁰ Nehe engu ja ra Maça T'ofu:

Nú'ahε hingyá xodyohε, johyahε mahyεgui co rá hnini Ajuá.

¹¹ Nehe ena:

Nsundahε Ajuá gatho nú'ahε hingyá xodyohε guí 'bεhε ja gatho rá nguni ra ximhai.
ne xøcambenihε'a po yá dąnga t'øt'e.

¹² Nehe ra badi Isaía bi 'yofu ja ra Maça T'ofu ne ena njaua:

Ma da 'mε 'nara t'ε de yá ja'i ra Isaí rá dada ra Davi, y nura t'ε'a ma da nda ja ya ja'i nú'ε hingyá xodyo, y nu'ú ma da gamfri'a.

¹³ Ajuá nú'a to'o 'racjε ra hoga nthø'mate, dá 'ra'ahε ndunthi ra johya ne ra hmetho ja ri corasohε po ri jamfrihε, pa njabε ma'na da ndąngui ri nthø'matehε po rá ts'edi ra Maça Ndąhi.

¹⁴ Ma zi cu'ihε, dí camfri gue xi ja ndunthi ri hñoja'ihε ne ja ndunthi ri mfadihε y tsa gui nzofohε 'na ngu ma'na.

¹⁵ Masque njabε, pe nugui dí resga dí op'a'ihε pa ga yopa ben'ahε 'raya t'øt'e ngu nú'a ya xcá pađihε. Dí øt'a njabε pa ga cumpli nú'a rá 'bεfi xa 'racagui Ajuá po rá hmąte'a.

16 Ngue'a nú'a bi hñuxcagui pa ga pɛpabi ra Zidada Jesucristo pa ga zo ya ja'i hingyá xodyo, pa ga xipabi'ɥ rá hoga noya Ajuá, pa njabɥ nugui da za ga udi'ɥ ja rá thandi Ajuá ngu 'nara hñá'ti xá nt'axi ngu ri ho'a nú'a xa xɥca ra Măca Nďahi.

17 Hangue po ra Zidada Jesucristo da za ga 'ñets'i de nú'a ra 'bɛfi xa 'racagui Ajuá.

18 Hiní 'ñɛpcagui ga 'ñets'i de nú'a xa 'yøt'a ma'ra pa bi gamfri ya ja'i hingyá xodyo. Pe dí pađi gue ra Zidada Jesucristo xa mpɛfi ja ma noya ne ja ma 'bɛfi pa bi gamfri ndunthi de gue'ɥ.

19 Ra Zidada Jesucristo xa 'raca ra ts'ɛdi pa stá øt'a ndunthi ya milagro, ne stá hanpa rá ts'ɛdi ra Măca Nďahi, hangue xa za stá mąnga ra măca hoga t'øde de ra Zidada Jesucristo maxøgue ja gatho ya hai desde Jerusale asta ra hai Ilirico.

20 Hangue njabɥ nugui stá øt'a ra ts'ɛdi pa ga ma ga mąnga ra măca hoga t'øde habɥ hinxa t'ødetho de ra Zidada Jesucristo pa hinga mpɛfi habɥ ya xa mpɛ ma'ra.

21 Guet'a nehe mąnga ra Măca T'ofu ne ena: Nú'ɥ hinxqui siptho de Ajuá, y nú'ɥ hinhya'mɥ xqui 'yøde, go gue'ɥ ma da 'yøde ne da bađi.

Ra apostol Pablo beni da ma Nroma

22 Hangue njabɥ astabya hinxa za stá mabɥ.

23 Pe nú'ɥya nguetho ya dá juadi ma 'bɛfi ja nuya hnini de guecua, y ngue'a pɛ'tsa ndunthi ya jɛya stá ne ga mabɥ ga tsøñ'ahɥ,

24 hangue dí tø'mi gue 'nitho ga thogui ga tsøñ'ahabɥ má 'ñu nu grá ma Spaña, y ga johya ndunthi ga 'bui con gue'ahɥ. Nepɥ de gue'a dí tø'mi

gue gui nexcaguih_u de guep_u pa ga thogui grá ma Spaña.

25 Pe nubyá ma ga ma pa Jerusale pa ga ha'tsuabi 'nara mfats'i nuya zi cu de guehni.

26 Ngue'a nuya zi cu de guehni Macedonia ne de guecua Acaya co 'nara paha bi unga 'nará mfats'i' u pa ga ha'tsuabi nuya zi hyoya cu bí 'b_uhni Jerusale.

27 Nuya cu me Macedonia ne ya cu me Acaya bi beni gue mri 'ñepi' u da 'yø'tuabi njab_u' u, ngue'a nu'á hingyá xodyo ne xqui hñani ra mpøhø po yá noya ya xodyo, hangue rí 'ñepi' u da maxa ya xodyo nehe co ya hño de ra ximhai.

28 Hangue nu xcrá juadi ga pε nuna 'bεfina pa ga tsocuabi nuna mfats'i ya cu me Jerusale, ja grá thop_u ga tsøñ'ah_u má 'ñu nu xcrá ma Spaña.

29 Y dí pađi gue nú'b_u xcrá tsøñ'a'ih_ub_u, ra Zidada Jesucristo ma da jap'a'ih_u ndunthi ngue'a ma ga zo'ah_u de rá noya'a.

30 Nubyá, zi cuh_u, dí bante'ih_u de rá thuhu ma Zidadah_u ra Jesucristo y po rá hmäte ra Maça Ndađi ri 'racj_u 'na ngu ma'na, gue gatho'ih_u gui faxcaguih_u gui 'yaph_u Ajuá por guequi.

31 'Yaph_u Ajuá pa nu'á da ñangagui de ya me Judea nú' u hingyá gamfri, gue ya zi cu nuni Jerusale da hñani co 'nara johya nura mfats'i ma ga tsocuabi,

32 pa njab_u 'b_u gue'a rá paha Ajuá ga tsøñ'a'ih_u co 'nara johya, ne ga tsaya ts' u con gue'ah_u.

33 Ajuá nú'a faxcah_u pa ga 'b_uh_u te rá entho, dá 'm_ui con gatho'ih_u. Njab_u gue'a.

16

Ya nzenjua

¹ Ra Febe go gue'a 'nara hoga nju, ne ja rá nsu, ngue'a gue'a 'nara maste de ya gamfri me Cencrea.

² Hangue umf_u ntsaya co ra t'equ'ei ja ri hmunts'ih_u, ngu rí 'ñep'a'ih_u nú'ah_u gyá gamfrih_u, y faxh_u'a de nú'a te da 'yø'tua ra 'bēdi, ngue'a nu'á xa maxa ndunthi ya ja'i y necagui xa maxcagui nehe.

³ Fat'ajuah_u ra zi nju Prisila ne ra zi cu Aquila. Nu'ú xi bi maxcagui ndunthi ja rá 'bēfi ra Zidada Jesucristo.

⁴ Nu'ú mi resga da unga yá te por guequi, hangue hingo sehēgui dí jamādibi'ū, ne gatho nú'ū ya cu hingyá xodyo nehe'ū ri jamādibi'ū.

⁵ Fat'ajuah_u nehe nuya zi cu ri munts'a ja rá ngu nú'a ra nju Prisila y ra cu Aquila. Fat'ajuah_u nehe ma hmāca cuh_u ra Epeneto, nú'á go gue'a ra madi bi gamfri ra Zidada Jesucristo nuua Acaya.

⁶ Fat'ajuah_u ra nju Mala, nú'á xi xa max'a'ih_u ndunthi.

⁷ Fat'ajuah_u ra cu Andronico y ra cu Junio, nú'ú go gue'ū mengu ma hai, nehe go gue'ū ndí o'be fadi mahyēgui'ū. Nu'ú ja yá nsu ja ya apostol, nehe gue'ū 'mēt'o bi gamfri ra Zidada Jesucristo que guequi.

⁸ Nehe fat'ajuah_u ra Amplia numa hmāca cu ja ra jamfri.

⁹ Nehe fat'ajuah_u ra cu Banu nú'a ma mfats'i ja rá 'bēfi ra Zidada Jesucristo, nehe ma hmāca cu ra Estaqui.

10 Fat'ajuah_ub_u ra cu Apele, nú'á xa bõni 'nara hoga gamfri de ra Zidada Jesucristo. Ne fat'ajuah_ub_u nú'ú ya cu ya mengu rá ngu ra cu Aristobulo.

11 Fat'ajuah_ub_u nehe ra cu Erodio, nú'a mengu ma hai. Nehe fat'ajuah_ub_u nú'ú 'b_u ja rá ngu ra cu Ciso nú'ú xa gamfri ra Zidada.

12 Nehe fat'ajuah_ub_u ma zi njuh_u ra Trifena y ra Trifosa, nú'ú ri mpefi ja rá 'b_ufi ra Zidada, nehe ma zi njuh_u ra Persida, nú'á xa mpefi ndunthi ja rá 'b_ufi ra Zidada.

13 Nehe fat'ajuah_ub_u ra Rufo nú'a xi ra hoga cu ja ra jamfri; nehe fat'ajuah_ub_u rá nana'a, nú'a dí øt'a ra uenda gue ma nana nehe.

14 Nehe fat'ajuah_ub_u ra cu Asíncrito y ra cu Flegonte, y ra cu Erma, y ra cu Patroba, y ra cu Erme, y nehe nuya zi cu 'b_ui con gue'ú.

15 Nehe fat'ajuah_ub_u ra cu Filologo y ra nju Julia, y ra cu Nereo ne rá nju'a, y ra cu Olimpa, y nehe gatho ya zi cu nú'ú 'b_ui con gue'ú.

16 Nehe fat'ajuah_ub_u gatho nú'ú ma'ra ya cu co 'nara nth_ufi dega hmate. Ri fat'ajuah_uih_u gatho yá nija ra Zidada Jesucristo.

17 Nehe dí bante'ih_u zi cuh_u, gue gui thamfrih_u ndunthi de nú'ú ne da heca ya cu y japi'ú da 'yøt'a ya ts'oqui. Nu'ú hingui udi ngu nú'a ya xa t'ut'ah_u, hangue 'uegueh_u de gue'ú.

18 Nuya ja'i'ú ri mpefi hõnse pa yá hñose'ú; hingue pεpabi ma zi Hmuh_u ra Jesucristo. Nu'ú mangua 'raya noya xi ri nt'øde gue xi xá hño, pe hina, hingo gue'a majuani. Nu'ú hat'a nuya zi ja'i hinte yá fadi.

19 Gatho ya ja'i padi gue xi gyá hoga 'yødeh_u, hangue njab_u nugui xi drí johya de gue'ah_u. Pe

nehe, nu'a dí ne, dí ne gue da nja ri mfa_{di}h_u pa gui 'yø_{th} ra hño, hingue pa gui 'yø_{th} ra 'ñ_u.

²⁰ Y Aju_a nú'a to'o faxca_h pa ga 'b_uh_u te rá entho, go gue'a da 'yø_t'e 'bestho pa gui ntate_h de ra ts'ond_{ah}i. Ma Zidadah_u ra Jesucristo da max'a'ih_u co rá hm_{ate}'a.

²¹ Nehe fat'aju_a'ih_u ma mfats'i ra cu Timu, nehe fat'aju_a'ih_u ra cu Lucio, ra cu Jaso y ra cu Sosipate nú'u ya mengu ma hai.

²² Nugui drá Tercio, dí ofo nuna cartana, dí fat'aju_a'ih_u de rá thuhu ra Zidada Jesucristo.

²³ Nehe ra cu Gayo p_{eh}na'ih_u ra nzenjua, nú'a to'o xa 'raca nse_{qui} ja rá ngu. Nehe xa umba nse_{qui} gatho ya cu pa ja ri munts'iu_a. Nehe fat'aju_a'ih_u ra cu Erasto, nú'a go gue'a ra m_e'tsboja de ra hnini. Nehe fat'aju_a'ih_u ra cu Cuarto.

²⁴ Ma Zidadah_u ra Jesucristo da max'a'ih_u gatho'ih_u co rá hm_{ate}'a. Njab_u gue'a.

'Nara s_ocambeni bi 'yøt'a ra apostol Pablo nu mi uadi rá carta

²⁵ Drá nsunda Aju_a nú'a ja rá ts'edi pa da ja'ah_u gui z_e ri jamfri_h ngu nú'a ri udi ra ma_{ca} hoga noya dí ma. Y nuna ra ma_{ca} hoga noyana go gue'a ra ma_{ca} noya nú'a hm_{am}bya de ra Zidada Jesucristo. Y por nuna noyana Aju_a bi 'ñutca_h nú'a xqui beni'a desde rá m_udi ne xqui m_e'tsa nt'agui, gue da unga ra mp_øh_ø pa ya ja'i ja gatho ya hai.

²⁶ Y nubyá po ra ma_{ca} hoga noya dí ma, ya xa 'ñutca_h Aju_a nú'a xqui beni. Nehe njab_u bi 'yofo maya'b_u ja yá t'of_o yá 'm_ehni Aju_a nú'u bi 'yof_o gue da mp_øh_ø ya ja'i hingyá xodyo. Ngue'a Aju_a nú'a

'bui pa nzantho xa manda da ts'ofu ya ja'i ja gatho ya hai pa da gamfri'u ne da 'yøte'a.

²⁷ ¡Ajuá go guesε'a ja rá mfadi, ga nsundahu pa nzantho po ra Zidada Jesucristo! Njabu gue'a.

Ra 'Ra'yo Testamento
New Testament in Otomi, Mezquital (MX:ote:Otomi,
Mezquital)

copyright © 2008 Wycliffe Bible Translators, Inc.

Language: Otomi, Mezquital

Translation by: Wycliffe Bible Translators, Inc.

Otomi, Mezquital

ote

Mexico

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Otomi, Mezquital

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files dated 29 Jan 2022

c6437f19-566b-5232-8b2a-5c88e5a5622b